


CHIVUMBUZI CHIPATULO

FAYIVI GAWO II

 . . . tafikaso mu kachisi mlenji uwu, ndipo kuti nipereke ripoti la nkhani ziweme kose zingirizge, umo kuti Fumu Chiuta wakhala wakuwa muweme kwa ise.

² Pa Sabata yamara apo mboniwoni yikayowoyeka, ndipo pafupifupi mose wa imwe muka wa kuno (ya serepenti yira kuti yikakomeka pakatikati): mboniwoni yira yikachitika lizgu pa lizgu mkatikati mu maora twente-foru pamanyuma pakuti ichi chikati chayowoyeka pano pa gome. Ichi chikawa chauchindami umo Fumu yikachitira. Ine nindayiwonepo yimoza ya izo yikutondeka mu . . . mu umoyo wane wose, ndipo ine ndiri na virimika fifite-thu vyakubabika. Nkhanira mwakufikapo, lizgu pa lizgu umo ichi chikachitikira. Ndipo ine nkhopulika makora chomene, makora chomene.

³ Ndipo sono pali vyose ivyo ine nkhayowoyanga, kuyowoyanga za kususka kula. Panji, nthu kususka, ichi chikafumira ku wananenka mitima, wanarumi wakopa Chiuta, awo utumiki wane ukawa kuti pachoko wafika kudera lauzi . . . kudera lauzimu chomene, ndipo iwo wakayamba kughanaghana kuti ine nkha wa Fumu Yesu, ndipo chikapa . . . chikayambiska chisambizgo chichoko za ichi. Kwenu chose ichi chikarekeskeka pa nyengo yimoza. Nkhuwonga Fumu pa icho!

⁴ Ndipo para ine nkhati nafumamo waka mu ichi ndamwene ndipo nkhozomerezga waka Fumu yitore ichi ndipo nkhapereka ichi kwa Fumu, Ichi chikamara mwalu wiro, mkatikati mu maora twente-foru ichi chikawa kuti chamara. Chikanireka ine wamanjenje pachoko na wakutimbanizgika pachoko, kwenu ine nifumengemo mu icho para pajumpha kanyengo. Nkhumanya ichi chikawa ngati chakuzukumiska kwa ine, kwenu ine ndili waka makora na wakukondwa.

⁵ Ndipo ise takhala na kutonda kukuru sabata iyi, ine nkhuumba kuti nipereke ripoti la chinyake.

⁶ Sono, usange ine nkhopulikirenge ku icho Fumu yikandiphalira ine, chira nthu chikachitika yayi. Virimika foru vyajumpha Iyo wakandiphalira ine. Ndipo muwoli wane uyo wali muno, kumanyuma mu gulu uku pamalo ghanyake sono, na mwana wane wakhala . . . paguwa pano pa gome nyengo zichoko zajumpha, ndipo wanyake wanandi awo wali kundipulika ine nkhuwoyoya nyengo na nyengo, “Iyi ndi nyengo yaumaliro kuti ine nthu ndiwengeso na kusanda kunyake kula.” Mukuwona? Ichi chikafika chomene pakuti . . . Ine nkhayezga

kukhala kufupi chomene na Chiuta ndipo, mu kuchita ntheura, mbweni ichi chikuyambiska chinyake ngati kupangiska wanthu kuwa wakutimbanizgika kufikira kuti iwo wakumaya yayi chakuti waghanaghane.

⁷ Ndipo ntheura, pa mlandu wa msonkho uwo ise tika wa nawo, nthena lika wapo yayi lizgu limoza za icho usange ine nkhapulikirenge waka kwa Fumu. Ichi nyengo zose uko ine. . . Uko ine nindamupulikire Iyo ndiko ine nyengo zose nkunjira mu suzgo. Usange ine nkhapulikirenge waka mwatcheru ndipo nkayenda na Iyo!

⁸ Ndipo pamanyuma ichi chikupangiska. . . Utumiki ngwadera lakuchanya chomene nyengo zinyake kufikira kuti ine ndine. . . Ine nkha wa nanguchita mantha kuti ine ningajumphira ku chisambizgo chinyake chira. Kweni, sono, ine nth nkhung'anamura. . . Ine nkukhumba kuti. . . waliyose kuti, wachikore makora ichi, kuti ine nth nkhung'anamura kuyowoya kuti ine ndifumengeko, ndikhalenge kutali na Fumu, kweni ine nkukhumbaso waka yayi kuyowoyanga chirichose cha vyadera lakuchanya, wonani, ntheura mu nthowa ngati ya kusanda mitima na—na vinthu ngati iyo.

⁹ Sono, Fumu yakhala yauchizi kwa ise mu nyengo iyi; Iyo wali kusankha M'bale Neville, uyo wali na lizgu la uchimi; Iyo wali na M'bale Higginbotham na wanyake wanandi wa wabale kuno awo mwakufikapo ndi. . . kwizira mu vyawanangwa vyauzimu mu mpingo, wakuchita minthondwe.

¹⁰ Ndipo rekani ine ndimupeni waka ukaboni. Kuka wa Mlongosi Opal Weaver, ine nkhumanya yayi kwali iyo wali na ise muno mu tchalitchi mlenji uwu panji yayi. Kasi iwe uli muno, Mlongosi Opal? Kutu ine panyake ningatondeka kuti—kutu nimuwone iyo. O, enya, virimika vinandi vyajumphira iyo wakafwanga na kansa, ndipo kansa yika wa mu chiberekero ndipo yikakwera yikanjira mu ziso zake. Ndipo iwo wakamupa iyo usiku waka umoza ula kuti wakhale umoyo, iyo wakafoka chomene. Ndipo ine nkharuta ndipo nkhamurombera iyo, ndipo mboniwoni yikiza, ndipo iyo wakachira mwakufikapo. Ndipo apo ndi pafupifupi virimika fikitini vyajumphira. Iyo wakizanga ndipo wakafumangapo pakati pithu pa virimika na virimika.

¹¹ Dazi linyake iyo wakakoreka na urwari uko iyo waka wa. . . wakarwara vilonda vya kuchigolomiro ndipo wakayamba kusulura ndopa kufuma ku chigolomiro chake. Kukasachizgika kuti iyo wakukumane na dokotala mwalu wiro. (Ndipo para ndipo ine nkha wa mu Canada.) Ndipo iyo wakamuyimbira M'bale Neville, ndipo M'bale Neville wakaruta ndipo wakatora M'bale withu Higginbotham. Ine nth nkhukayika kuti M'bale Higginbotham wali muno, iyo panyake wanga wa, mlenji uwu. M'bale Rupert Higginbotham waka wa yumoza wa mathrastii withu wakale, m'bale muweme. Kasi iyo wali muno? Ntheura

iwo wakaruta kukamurombera mwanakazi, ndipo para iwo wakati wamurombera iyo... Iyo wakaŵa kuti wakusulura ndopa sono, ine nkhumanya yayi kasi wakasulura nyengo yitali uli, pa mazuŵa, mazuŵa ghaŵiri panji ghatatu, ndipo iyo wakarutirira waka kuthunyanga ndopa. Ndipo M'bale Neville wakamurombera iyo ndipo iyo ntha wakathunyaso nanga ndi dontho limoza la ndopa. Uwo mbunenesko.

¹² Ndipo nthaura iyo wakaŵa na vyakutupa viŵiri, maduna panji chirichose icho chiriko kuchanya wa mlomo, mtundu wa mathuvya panji chirichose kulenderanga kuchanya kwa mlomo wake; maduna ghakuru, nthaura. Ndipo iyo wakaŵavaye mtende uliwise chifukwa cha ivi, ndipo iwo wakaŵa... Iyo wakati, "Ivi viri hafu wa sayizi ya chipaso cha hickory." Ndipo ivi vikaŵa mu mlomo wake kwa—pa kanyengo kataliko, mazuŵa. Ndipo M'bale Higginbotham... Umo ine ntha nkhezunura zina lira la chi German makora chomene, M'bale Rupert, iwe undigowokere ine pa icho. Kweni munthowa yinyake, ine... Ndipo ine panyake ine ninganangiska ichi nkhanira apa. Panji, yayi, ine nkhuomezga iyo—iyo wali na chawanangwa cha kuyowoya malilime na kutanthauziranga malilime. Ndipo iyo wakaŵikapo woko lake, mu nyengo iyi, pa chisko chake. Ndipo iyo wakati, "M'bale Branham, ntha mayiro, ntha usiku wamara, kweni mwaluŵiro malo ghara ghakafumapo" kufuma kuchanya kwa mlomo wake. Mwaluŵiro!

¹³ Pamanyuma madokotala ghakiza, ghakalaŵiska mu chigolomiro chake, na chirichose, ndipo iwo wakati, "Iyo wakwenera kuti warute ku chipatala chifukwa iyo wali na kansa ya ku chigolomiro."

¹⁴ Nthaura ise... Iwo wakamutorera iyo ku chipatala. Ndipo ine nkhamanya yayi kuti iyo wakaŵa kula kufikira kuti ine nkhamana na mliska withu muweme, M'bale Neville, kumtunda kuno, ndipo ine nkhaŵa pa ulendo wane kuruta ku chipatala ndipo iyo wakandiphalira ine kuti—kuti iyo wakaŵa kuwaro kula. Nthaura ine nkharuta kukamuwona iyo, ndipo mfumu wake wakakhala apo. Ndipo fayivi, foru panji fayivi, madokotala ghakafika ndipo ghakatora vyakuti wakapime vya iyi, kupukunyanga mitu yawo, wakati, "Iyi, nadi, ndi kansa, kansa ya virus, ndi kansa."

¹⁵ Nthaura wakusambira vya udokotala wakiza ndipo iyo wakatora—vyakuti wakapime vya iyi. Iyo wakati, "Icho, kwambura nkhaiyiko, ndi kansa."

¹⁶ Ndipo ine nkhati, "Kweni, mlongosi, usange Chiuta wakakuchizgapo iwe nyengo yimoza ku kansa... rekani ichi chiŵe chirichose icho panyake chingaŵako. Panyake wanthu ŵara wakuneneska. Iwo ndi—iwo ndi wanthu wakusambizgika mu malo ghanthito ghara kuti waphale kwali iyi ndi kansa panji yikuwoneka ngati kansa panji chirichose chiriko. Icho

ndi...Iwo ndi wanthu wakusambizgika pa chakulinga icho. Ndipo iyi yikuwoneka ngati kansa ntheura iwo wakuti ndi kansa.” Ndipo ine nkhati, “Iyi panyake ndiyo.”

¹⁷ Kweni iyo wakakhumba yayi kugomezga kuti yikaŵa kansa. Ntheura, ine nkhati, “Kweni usange Chiuta—wakamanya kuzgora lurombo kumtunda kurekeska kusulura kwa ndopa; Chiuta wangamanya kuzgora lurombo, kufimiskamo vinthu vikuru vira mu mlomo wako. Zomerezga ichi chiŵe chirichose icho chingamanya kuŵako, Chiuta wangatondeka yayi kurekeska iyi nkhanira apa?”

¹⁸ Iyo wakati, “Amen!” Ndipo mfumu wake wakhala apo. Ndipo iyo wakati, “Icho ndicho ine nkhwendapo sono nthena, kuti Chiuta walekeskenge ichi.”

¹⁹ Ndipo ine nkhamurombera iyo. Ndipo iwo wakatorapo ma specimen kuti wakaghapimne agha, ndipo kukawoneka kuti “wakaŵavye” penepapo iwo wose wakayowoya kuti yikaŵa kansa. Mukuwona?

²⁰ Ntheura nkhan njakuti, wabwezi, kuti Iyo ndi Chiuta ndipo Iyo wakuzgora pemphero. Ndipo ise ndise wakukondwa chomene kuti Iyo wakutiyendera ise kuno pa kachisi muchoko uyu wakujikhizga. Ndi wakutowa viŵi yayi pakumulaŵiska, mathabwa ghachokoghachoko ghakale agho ise tikawunjika kuno, virimika vinandi vyajumphu, kuŵa nyumba pachanya pa mutu withu, denga pachanya pa mutu withu, mphanyiko, kufuma ku vura na chiwuvi na vinyake ntheura. Kweni wanthu wanandi mbamoyo muhanyauno chifukwa cha kuyezeska uku, ndipo ku icho ise ndise wakuwonga chomene.

²¹ Ise ndise wakuwonga chifukwa cha mathrastii githu. Ise ndise wakuwonga chifukwa cha madikoni githu. Ise ndise wakuwonga chifukwa cha gulu lithu. Ndipo ise ndise wakuwonga chifukwa cha mliska withu. Ise ndise wakuwonga chifukwa cha chawanangwa chirichose icho Iyo wali kupereka mu mpingo. Ndipo ise tikurumba kuti Iyo waperekenge kapulikiskiro ku wanthu aŵa, kuti iwo nthu wazamkusezgekera kumphepe ku lwandi lakwanangika kweni kukhala nkhanira wakunyoroka pakatikati pa msewu na ichi. Ntho kuŵa wakujikwezga panji chirichose; nyengo yiriyose para imwe mwachita, imwe mukumalira nkhanira penepapo, imwe wonani. Khalani waka wakujikhizga na ichi.

²² Ndipo wonani, sono, pamanyuma wanthu wakwiza, warwari na wakukomwa, kuti wazakarombereke apo ine nkhpumura sono panyake chirimika panji viŵiri, ntheura Chiuta wapereka nthowa kuti wapwererere ichi apo ine nkhpumurapo pa kanyengo. Mukuwona? O, kasi ntchiweme yayi icho? Ichi chikwenera...Kasi ise tiŵe wakuwonga pa icho? Chiuta ntho wakujileka Iyomwene kwambura kaboni, ndipo ntheura ise ndise wakukondwa chomene pa icho.

²³ Sono, sabata yikwiza iyi, para Fumu yazomerezga, ine nkukhumba kuti nditore wasungwana wane wachokowachoko ndio kuti kufumapo waka pa sukulu kuruta pa holide lawo lichoko la sukulu, ntheura ine nkhuromba kuti imwe mutiromberenge ise. Mwana wane msungwana mulara chomene, ku sukulu yapachanya, iyo wakukhumba kuti wakawone uko Paul Revere wakapanga ulendo wake pakati pa usiku, uko iyo wakanyamuka kufuma pa mpingo kula. Ndipo ise... Uku ndi nkhanira kunena uku mu New England ndipo ise tikukhumba kuti tiruteko ndipo tikaghawone agha.

²⁴ Ntheura, ine nyengo zose ndiri kukhumba kuti nimuwone Old Ironsides. Kasi mbalinga wali kulipulikapo powemu la *Old Ironsides*? Ndi lakutemweka kwa ine pa vyose ivyo ine nkhumanya; kuwaro kwa Chikristu, lira ndiweme chomene kwa ine. Ine mbwenu... Ine nkhuwamba kuwazga ili ndipo ine chitima chikukwera ndipo nkukhala pasi, kwenda kuzingilira, kuruta kumanyuma. Kasi imwe mubizgenge uli iyi pamanyuma... Ichi chiri ngati waka kutora kavalo na kumukoma iyo pamanyuma pakuti iyo wamuvwirani imwe na banja linu. Ine mbwenu—ine ningazomerezga yayi icho. “Ntheura ine niphwasurenge waka iyi!” Yayi, kuchita icho yayi. Para vipolopolo vya futi za British vikati vyatimba iyi ndipo vikajunyunthuka ku lwandi zake zikhomi, ine—ine ningakuzomerezga yayi iwe ukuphwasura iyi na kubizga iyi.

Kuyipereka iyi ku wachiuta wa chimphepo,
Leza na chimphepo chakofya!

Ine nkhuwitemwa chomene yira.

²⁵ Ndipo pamanyuma ise tikukhumba kuti tifike, ndipo Mr. Kennedy wandaticheme ise, kwani ise tikukhumba kuti tiyiwone Nyumba Yituwa apo ise tiri kula. Iwo... Ine ndiri kuwamo mu iyi nyengo zinandi kwani wana wakukhumba kuti wakayiwone iyi. Pamanyuma ise tamkuwerera kunyumba, para Fumu yazomerezga. Ntheura imwe mutirombere ise.

²⁶ Ndipo ise tikumuromberani mose imwe wakutemweka witu kuno imwe muli pa holide, wanandi wa iwo kurutanga maulendo ghawo ku malo ghakupambanapambana. Ndipo wanyake wa iwo wanyamuka mlenji uwu, kusika mu Kentucky na Tennessee na malo ghakupambanapambana. Ntheura ise tikuwarombera iwo.

²⁷ Sono, panguwa chinthu chinyake icho ine nakhumbanga kuti nilengeze. O, enya, chisopo cha ubapatizo chiriko nkhanira para ichi chamara. Ndipo pamanyuma—pamanyuma ine nkugomezga kuli pali kuwapatulira wabonda, m'bale wandiphalaranga ine za ichi, kuwapatulira wana. Ndipo vinthu vinandi chomene ivyo ise tikwenera kuti ti... Ukuti vichi? [M'bale wakumufumba M'bale Branham za chisopo cha kumise—Munozgi] Enya, ine ntha nkhuwona kuti nitore

visopo vyose viwiri. Imwe wonani, ine nitore chimoza ndipo M'bale Neville watore chinyake. Ndipo ine nthā... Ichi nthā... Para tiripo wawiri wa ise muno, ntchifukwa uli tivuskenge yumoza wa ise? Ndi unenesko yayi uwo, M'bale Neville? Uwo mbunenesko ndendende.

²⁸ Ndipo, pamanyuma, Doc wangundiphalira ine kuti ndi...nimuphalireni imwe mose kuti mukumbukire ghara, mapangano ghinu pa kachisi, agho—kuti tchalitchi...kweni iwo wakughanaghana pa kuzenga malinga iwo wangasanga zakukwanira kuzengera tchalitchi.

²⁹ Ndipo ntheura ine—ine nkhaŵa...Kukawoneka ngati kuti pakaŵa chinyake, pakayenera kuti pakaŵa para iwe ukandiphalira ine za icho, kupatulirika kwa wabonda. Icho ndicho chikaŵako. Ndipo ise tiwenge na icho para tamalizga waka chisopo ichi sono.

³⁰ Sono, kasi ivi ndi vyakuti vipempherereke, vyakuvwara, ine nkhusachizga? Viri makora, bwana. Ise tichitenge icho pamoza, ndipo pamanyuma... .

³¹ Sono, pambere ise tindafike ku Mazgu...Kasi mbalinga wakukondwera na Mazgu? O, mwe, kukhalanga pa phiri! Imwe wonani, imwe—imwe mungamanya kuwona kufumira pa Sabata yamara icho chikung'anamura kuchita ichi munthowa ya Chiuta. Mukuwona? Para ine nkhati ndawona kuti ula ukaŵa mzimu uwo ukafika pakati pa wabale waweme wāra, kukaŵavye nthowa kwa munthu wakuthupi kuti wafumiskepo icho. Ntheura chinthu chekha pera ise tikayenera kuti tichite chikaŵa chakuti tichipereke ichi panji kuchiwezgera kwa Fumu, ndipo maora ghachoko ichi chose chikaŵa kuti chamara.

³² Sono, mliska (ndipo ine nafumapo), pakuŵa wakovwirana nayo winu na imwe kuno mu ntchito ya Fumu, ndipo umo Paulos wakayowoyera, “Ine nkhumulangulani imwe panthazi pa Chiuta na wangelo wakusoreka,” wonani. Ndipo ku mpingo uwu kuno, pali chiyezgerero chakufikapo pa icho mungachita usange munyake wafumapo pa dongosolo mu tchalitchi. Mukuwona?

³³ Sono, usange chinyake chayambika mu tchalitchi icho ntchiweme yayi, ntheura murekani munthu yura, uyo wakumanya kuti icho ntchiweme yayi, warute kwa munthu yura. Ndipo usange munthu wangaphemaniskika yayi; ntheura chinthu chakurondezgako chakuti muchite ndi kutora kaboni ndipo rutaniko, panyake yumoza panji wakaboni wawiri, ndipo rutani kwa munthu uyu kuti waphemaniskike panji kuchinozga chinthu. Sono, tegherezgani mwatcheru! Sono, ichi chikujambulika, nachoso. Ndipo ntheura usange icho chatondeka... .

³⁴ Mungazomerezganga yayi kachisambizgo kachoko, panji kanthu kanyake kachoko, kapulikiro kanyake kachoko kaheni kayambika pakati pinu. Kafumiskenipo iko pa nthowa

sono nthena! Ntheura ako ndi kachoko...Ndi tunthu tuchokotuchoko uto tukunanga chinthu chiweme, imwe mukumanya. Ntheura kafumisenipo pa nthowa! Kapulikiro kachoko kachilendo, rutani mukamuphalaire munthu za ichi. Yowoyani, “Ine ndine—ine ndine wakwananga. Ine—ine nkhuwona kuti nkukutemwa yayi iwe, panji chinyake. Ndivwire ine kuti tichipempherere ichi, kuti ine ndiwe makora.” Chifukwa, ise tikukhumba chinyake yayi kweni utuwa pera, wambura kusakanikirana, Mzimu Mutuwa wa Chiuta pakati pithu. Ndicho chekha ise tikukhumba. Ntheura vyawanangwa na vinthu vichitikenge makora ndipo chirichose chichitikenge makora.

³⁵ Ntchifukwa uli kuwa na hafu mpingo penepapo imwe mungawa na limoza lathunthu? Ntchifukwa uli tizomerezgenge chakubwerekera penepapo mitambo yose njakuzura na chenekocheneko? Mukuwona? Ise tikuchikhumba yayi icho. Ntheura usange kapulikiro kachoko kachilendo kafika pakati pa imwe mamembara, yumoza kwa munyake, imwe murute kwa munthu yura.

Imwe mukuti, “Enya, iwo wakachitira ine. . .”

³⁶ Kuti...ichi ndi...Sono, kumbukirani, nthu “usange imwe muli na chakwanangika panji chifukwa pa m’bale,” kweni “Usange m’bale wali na chinyake chakwimikana na iwe.” Mukuwona? Ruta kwa iyo ndipo ukaphemaniskike, ukamuphalire iyo kuti iwe—kuti iwe uka wa na kapulikiro kachilendo za iyo ndipo iwe ukukhumba kuti uwe na wabwezi, ndipo pemphera ndipo ruta ku guwa ndipo fumiskanipo chinthu chira pakati pinu.

³⁷ Sono, Satana rutaruta wamutimbeninge imwe kufikira kuti imwe mwafwa pano pa charu chapasi. Kumbukirani waka icho. Imwe nthu muzamkuwapo na nyengo kweni kuti kutimbika kukurutirila nyengo yose, chifukwa imwe muli mu nkondo. Kasi imwe mukachita kuromba kuti mwize kwa Khristu, kuti murute ku chiryerano? Enya, imwe mwakusimikizga muzizimuskikenge, chifukwa iyi ndi nkondo ya rutaruta. Ine ndiri kuwa ku malo ghakutumikira pa virimika sate-wanu, ndipo ine ndiri kurwera mtunda uliwise wa nthowa. Uwo mbunenesko. Israel wakayenera kuti warwe mtunda uliwise wa nthowa. Iwo—iwo...Palestina wakapika kwa iwo, kweni iwo wakayenera kuti warwe mtunda uliwise wa nthowa kuti wakatore ichi.

³⁸ Sono, kumbukirani ichi sono, kuti usange. . . Ntheura usange chinyake chayambika mu tchalitchi, ipo rekani mliska... ndipo usange imwe—usange imwe mukhumbenge kuti mwize mumutore mliska, kuti murute nawo kwa munthu. Ntheura usange iwo wapulikirenge yayi icho, ntheura zaninge panthazi pa mpingo ndipo yowoyani ichi panthazi pa mpingo. Wapaseni

iwo nyengo yikuru mwakuti kuti waphemane, panyake kufumira pa Sabata yimoza kufika ku yakurondezgako. Ndipo usange iwo wapulikirenge yayi mpingo, ntheura Baibolo likati “Rekani iwo wawe ngati wachikunja na wamsonkho.”

³⁹ Kuti, wonani, malinga iwo mbakuvikiririka na mpingo, Satana nthawafika yayi iwo. Kweni para mpingo wawafumiskapo iwo pasi pa chivikiriro cha mpingo na Ndopa za Khristu, ntheura Satana wayambenge kuchita nawo kanthu iwo. Icho chiwapangiskenge iwo nkhanira mu uphemaniski kamosaso. Mukuwona? Iwe—iwe ukupulikiska icho, ukuchita yayi iwe, mliska? Enya, bwana.

⁴⁰ Ntheura icho ndi chinthu icho nyengo zose mukumbukirenge kuchita, ntchakuti muphemaniskike, zaninge kwa Chiuta ndipo yendani nthowa ya Chiuta. Ise tiri . . .

⁴¹ Kasi icho chikusimikizgira vichi kwa ise? Wawiri panji watatu wa wabale withu awo wakumanya kuti ine nkhatokatokera pa yumoza munyake uyu pa virimika viwiri panji vitatu. Uwo mbunenesko. Kweni para ine nafika ku fundo yakuti ine nkhawaghanaghanira ngati wanthu wara, ndipo ine paumaliro ningamanya kuwatemwa wanthu wara mwakukwanira kuti iwo wangafumako yayi ku ichi. Ndipo ine nkhatora wakaboni kweni chira chikagwira ntchito yayi. Ine nkhayenera kuti ndichipereke ichi ku mpingo. Ndipo ntheura kufumira pa gome pa Sabata yamara, ine nkhati, “Ine nkhuqhumba yayi kupulikaso ichi munthowa yiriyose. Ine ndine wakumasuka ku ichi. Ine nkhuwezgera ichi kwa Chiuta, wonani, ndipo nkhuwerekaso ichi kwa Iyo.”

⁴² Ndipo mwaluwiro chikuwoneska kuti wanthu wara wakachemekanga. Ichi . . . Sono, usange iwo nthawakawa wakuchemeka, para iwo wakafika ku kususkika na Lemba . . . Ndipo munthu wangazomerezga yayi kususkika na Lemba, iyo wakukwiya chomene ndipo wakukoreka yayi, ichi chikuwoneska kuti iyo wali makora yayi na Chiuta. Mbunenesko! Kweni mutuwa wakufikapo wa Chiuta waphemaniskikirenge kwa Chiuta kwizira mu Mazgu. Uwo mbunenesko. Ndipo Mazgu ndi nthowa yakususkira. Wabale wara wakwenera kuwa wakuwonga chomene kwa Chiuta kuti . . .

⁴³ Wonani, Baibolo likayowoya kuti “Wakhristu watesi wazamkuphuka mu mazuwa ghaumaliro ndipo wangapuruska wakusoreka usange ichi chikawa chamachitiko.” Kweni ntchamachitiko yayi. Yayi, bwana. Wakusoreka wakamikikirathu, ntheura iwo wazamkupurusika yayi, imwe wonani.

⁴⁴ Ntheura para wabale wara wakati waka . . . Iwo wakiza kula ku nyumba dazi lakurondezgako, wonani, nanga nkhufikira kuti iwo wakati wafika ndipo wakayamba kundiwoneska ine Lemba lawo. Ndipo ntheura Mzimu Mutuwa mwa Malemba

mbwenu wakasuska chirichose iwo wákayowoyanga. Imwe mukuwona? Ntheura ndicho chikaŵako, iwo wákawona, gulu lira lakusoreka la wánthu likayenda mu Kuŵapo kwa Chiuta. Ichi chikundipangiska ine kuwonga chifukwa cha wánthu ngati wára. Enya, bwana. Awo ndi wánthu wéneko.

⁴⁵ Para imwe mungawona munthu uyo wananga, ndipo chasimikizgika kuti wananga, ntheura icho chikuwoneska kuti iyo wakukhumba kuti waŵe Mukhristu, iyo wakwiza ndipo wakuti, “Ine ndananga.” Uyo ndi—uyo ndi Mukhristu mweneko.

⁴⁶ Kweni munthu yura uyo wakwiyenge, ndipo wachimbirenge kuzingilira kuchigaŵa chimoza na kuti, “Aw, kukaŵavye kalikose ku Ichi,” ndipo ngati ntheura; chenjera, m’bale, iwe ungamanya kuwona nkhanira penepapo kuti iyo wakaruta wali pasi pa kususkika chifukwa iyo ntha wakaŵa wa ise. Kweni nyengo zose, mliska, wakwiza ku Mazgu ghara ndipo Ichi chichitenge ichi nyengo yose. Kweni iwe ukwenera kuti ukhale na Mazgu.

⁴⁷ Ndicho chifukwa para ine ndafika, sono, ine ndiri... ntha nichitengeso kusanda kulikose mu—mu United States, nkukhumba yayi kuchita, umoyo wane wose, kusirya waka kwa nyanja na malo ghakuwaro na kunyake ntheura. Nkhumanya, ngati chawanangwa, ngati chawanangwa cha uchimi, icho nyengo zose chizamkuŵako kula, kweni ine nichisingirenge ichi kwa ndamwene na kumarana nacho ichi ndamwene chifukwa ichi ndi... ise—ise tafika kutali chomene mu nyengo iyi sono kuti ichi... ichi chikuchitika mwakurutirira. Ise tiri kufupi chomene kufika ku nyengo yaumaliro. Kweni mu malo ghakukatamikira ghachilendo ichi ndi suzgo waka limoza panji ghaŵiri pa gome ndipo, m’bale, ine nkhang’anamura kuti iwo mbwenu wáruta.

⁴⁸ Pamanyuma ise tikuŵa na wákukopera wákuthupi wa Ichi. O, mwe! Ichi ntchasoni waka. Wonani, ine nkukhumba kuti... Kasi ndi wa Pentekosite walinga wali muno? Kwezgani muchanya woko linu. Viri makora. Wonani, imwe wa Pentekosite, virimika vichoko vyajumphu Chiuta nadi wakiza pa imwe ndipo imwe mukwamba kuyowoya malilime. Uwo mbunenesko. Kweni kasi devulu wakachita vichi? Iyo wakiza ndipo wakapereka kukopera kwa kuthupi kwa icho. Iyo wakapanga chinyake icho chikaŵa chiweme yayi, wakakhuŵirizga wánthu ndipo wákayamba kuyowoyanga malilime, na kuŵapanga iwo kyowoya mazgu ghanayake na vinthu kuŵapanga iwo kuyowoya malilime, na vinyake ntheura; ndipo mwanarumi kukhalanga na muwoli wa mwanarumi munyake, na mitundu yose ya vinthu, na mitundu yose, wanyake wa iwo kumwanga, kukhweŵanga, na chirichose, kweni kuyowoyanga malilime. Kasi iyo wakachita icho pa chakulinga uli? Kutu wapange mbata yeneko yipereke kaliriro kambura kumanyikwa ku wánthu. Ntheura ndinjani wangajinozgekereska iyomwene ku nkondo? Mukuwona?

49 Ntheura para ichi chikati chayambika... Sono, ise tiri nawo wanthu kuwaro mu gulu... Pali nkhanira yumoza... wakiza nkhanira kunthazi kwa ine kula mu Canada nanga... Chifukwa, wapolisi wakamukora iyo ngati munthu wakugonana na wanarumi. Mukuwona? Iyo wakati, “Chifukwa, Chiuta wandipa ine chawanangwa cha kusanda.” Wakati, “Aleluya, ine ndiri...” Wakati, “Sono, Fumu yikandiphalira ine kuti munyake muno wakuthyika ‘John...’”

50 Ise tikaŵa na mwanakazi wachichepere kuno mlenji umoza, imwe mukukumbukira, wakiza kumanyuma kula ndipo wakati, “Fumu yikandipa ine chawanangwa chimozi.”

Ndipo ine nkhati, “Enya?”

Iyo wakati, “Ine nakhumbanga nthenda nanguŵa na mwaŵi kuti ndisimikizgire ichi.”

Ine nkhati, “Apo pali gome.”

51 Ndipo imwe mukawona icho chikachitika; kuwazga malingaliro kukuru, wonani. Kwani para imwe mukuwona, Mlongosi Snyder wakwiza, ndipo wakamuphalira iyo kuti iyo wakaŵa na “kuphanya marundi,” icho—icho—icho chikamazga ichi. Para Mlongosi Snyder... .

52 Ntheura ine nkhati, “Icho ndicho chanangika na mwanakazi.” Ine nkhati, “Iyo wakawa ndipo wakaphyora chiwuno chake.” Ndipo ine nkhati, “Iyo nthawayimirira nanga ndi uko...” Nkhumanya Mlongosi Snyder nthawakapulika makora chomene, ndipo iyo wakati... Ndipo icho iyo wakaŵa nacho, ine nkhumanya, chikaŵa chakutupa mu nthumbo yake panji chinake chakwanangika ngati icho. Ine nkhati, “Icho ndicho chirikio; tikaŵa kuno nkhayowoya ku wabale za ichi nyengo yose.” Mukuwona?

53 Kwani ichi mbwenu—kuwoneska waka kuti mpingo, wonani, kuti ndi kulinganizga kwa kuthupi, imwe wonani. Ndipo kasi icho chikuchita vichi? Ichi chikupangiska mbata yeneko... .

54 Sono, para ine nkhaŵa mu Canada iwo wakamukora munthu uyu uyo wakaruta kula. Ndipo wakayowoya (nkhanira pakati pa gulu la ŵa Norwegian), ndipo iyo wakati, “Fumu yikundiphalira ine kuti munyake muno...” gulu la wanthu pafupifupi kwandaniska na khumi sayizi iyi, “munyake wakumanyikwa na zina lakuti ‘John,’ panyake ‘Johannes,’ ‘Johann.’” Wakati, “Nkhanira chakudera uku, ine nkhumanya.” Iyo wakati, “Yayi,” wakati, “wali nkanira muno pamalo ghanyake”; nkhumanya iwo wakamutorera iyo kuwaro. Mu charu cha ŵa Norwegian? Ndipo waliyose wakaŵa... Nayinte pa handiredi ŵa iwo ndi Petersons, Carlsons, John, Johannes, ndipo, chifukwa, mwakusimikizga. Wonani, iyo mwakusimikizga ndi... Ichi chikwenera kuti chifike kula kumalo kunyake. Ntheura, “Fumu yikundiphalira ine kuti munyake wali na suzgo la msana, ine nkhumanya msana ukuŵaŵa.” Waliyose uyo wali

kulerekerera mu Malemba wakumanya kuti uko ndi kuwazga malingaliro. Icho ndi . . . Nadi, ichi chiriko.

⁵⁵ Kweni, wonani, kasi ichi chikachita vichi? (Ntheura munthu yura wakatoreka nkhanira kula na—FBI kufumira kula, wakatumika kula ndipo wakamutora iyo kula, wa Royal Mounted Police.) Ndipo gulu la wapharazgi likiza kwa ine, ndipo, “Wakugonana na wanarumi wanyake,” iwo wakuti, “chifukwa, M’bale Branham panyake wali chinthu chimozi. Umo ndimo ichi chikwendera, wonani.” Kasi ichi chikuchita vichi? Kuti chipereke mbata kaliriro kambura kumanyikwa. Mukuwona? Nkhanira ndendende. Umo ndimo ichi nyengo zose chiliri, kuyezganga kuchita vinthu ngati ivyo kuti chipereke kulira kwambura kumanyikwa, iyo ndi ntchito ya Satana kuchita icho.

⁵⁶ Kweni, sono, nthu mungafumangako ku Mazgu ghara. Kumbukirani, ine nkhumulangurani imwe panthazi pa Chiuta: *Khalani na Mazgu ghara!* Nthi mungafumangako ku Ichi. Ndipo usange vinthu ivyo vyayambika pakati pa wanthu ndipo vinthu ngati ivyo, chiripo chanadinadi nyengo yiriyose para imwe muli na chautesi. Kuli—kuli dola yafeki, icho chikuwoneska kuti kukaŵa dola yiweme iyo iyi yikakoperekako. Para imwe mukupulika mupusikizgi munyake wakuwoyoya malilime, imwe mungayowoya yayi kuti iyo wali na Mzimu Mutuŵa. Kweni, kumbukirani, iyo wakukopera munthu munyake muneneska uyo wali na chawanangwa cha kuyowoya malilime. Para imwe mukuwona vinthu ivyo ndi vyautesi, kumbukirani, ivi vikapangika kufuma ku chimoza chaunenesko. Chiuta ndi mlenji wa vinthu vyose viweme, kweni Satana wakukopera vyawanangwa ivyo. Enya, ine nkhuwamba icho, ise tinjirenge yayi mu chisambizgo chithu, tichitenge ise?

⁵⁷ [M’bale Ben Bryant wakuti, “M’bale Branham, mundizomerezge ine miniti pera?”—Munozgi]

Enya, m’bale.

[“Chonde? Ine nkhaŵa kuno yayi pa Sabata yamara, ndipo ine napulika mphwepwerera za icho iwe ukayowoya pafupifupi myezi yichoko yajumpha, ndipo ine nkhatimbanizgika chomene za ichi, nkhanira chomeniko, ndipo ine nkawona kurongozgeka kuti nifike ndipo nikuphalire iwe za ichi ndipo nimuphalire M’bale Neville. Kweni ine nkharongozgekaso kuti iwe umumanye muwoli ndipo ine nkhapanga ichi munthowa ya pemphero. Ndipo mlenji uwu para ine nanguti nanjira mu kachisi, ine nangumanya yayi icho changuchitika, ndipo yumoza wa wabale waweme wangwiza kwa ine mlenji uwu ndipo wangunipempha ine kuti nimugowokere iyo. Ndipo ine nkughanaghana kuti ula wanguŵa Mzimu wakukozgana na Khristu.”]

Amen.

[“Ndipo ine nkugomezga kuti ichi ntchakurumbika kwa m’bale.”]

Enya, bwana.

[“Iyo wangunipempha ine kuti nimugowokere iyo, chifukwa iyo wakayezganga kuti . . . iyo wakaŵa—iyo wakayezganga kuti wapereke chisambizgo kwa ine.”]

Enya.

[“Ndipo ine nkhozomera yayi ichi. Ndipo iyo wangunipempha ine kuti nimugowokere iyo mlenji uwu, ndipo ine nangumugowokera iyo mu Zina la Yesu.”]

⁵⁸ Amen. Yewo, M’bale Ben Bryant. Sono, icho ndi—icho ndi ndendende. . . Ine ndine wakukondwa kuti iwe wanguyowoya icho, M’bale Ben. Imwe wonani, chifukwa chakuti ŵanthu ŵara ŵakhala ŵakuruta kulikose kupanganga chiwera chira. Sono, icho ndi Chikristu cheneko. Icho ndi Chikristu pa ntchito. Para iwe wananga, ruta ndipo zomerezga kuti iwe wananga. Mukuwona? Yimirira ndipo yowoya, “Ine ndananga, wonani, mundigowokere ine.”

⁵⁹ Sono, munthu uyo wakuyezga kubisa ichi kwa iyomwene, nthaura iyo wali na chinyake icho iyo wakubisa. Yayi, bwana, ine nkhutemwa. . . Ngati dokotala muchoko kuno uyo. . . Wonani, nth. . . Iyo. . . Ine nth niyowoyenge ichi za iyo, kweni, munthowa yinyake, iyo wakaŵa na chinyake chichoko icho iyo wakakhumbanga kuti wachite, imwe mukumanya. Ndipo ine nkhati, “O, yayi, Doc, iwe ungamupusika yayi Chiuta.” Ine nkhati, “Iwe ukwenera kuti uchiŵike ichi nkhanira apa pachanya pa thabwa.” Uwo mbunenesko, reka ichi chikhire nkhanira kusika ngati nthaura. Nkhumaya, munthu wakaŵa wambura kwananga mwakufikapo pa kuyezganga kuchita chinyake mwakwanangiska. Iyo mbwenu—iyo wakaghanaghana waka kuti yiŵenge nthowa yiweme kuti iyo wangamanya kusanga malo. Ndipo nth wakayezganga kuchita chiheni ichi, iyo wakayezganga kuchita ichi makora. Kweni iyo wakakhumbanga waka kuti. . . Iyo wakati, “Ine. . .” Iyo wakamanya nthowa yinyake iyo wangamanya kuchita, kumutora munthu kuti wachite chinthu icho chipangiskenge munthu uyu kuti wawerereso kuno. Iwe nth ukuchita yayi ichi mwanthaura umo. Iwe zanga waka pakweru. Mukuwona? Khalani nkhanira na Mazgu, ndipo pamanyuma imwe mwachisanga ichi. Khalani nkhanira na Mazgu! Chiuta wakamutumbika iyo ndipo wakamuchitira chinthu chikuru iyo. Enya, bwana.

⁶⁰ Viri makora, tiyeni tisindamiske mitu yithu sono kuti tirombe. Kasi mbalinga ŵakukhumba kuti ŵakumbukirike mu kuromba? Ine nkhumanya dona yumoza wali muno mu mpando wakutchika uyo wakhumbenge nadi kuti wakumbukirike, ine nkugomezga. Ndipo mlongosi uyu uku, wose, lawiskani

palipose pa malo. Sono, tiyeni tisezgere kumphepete chirichose sono ndipo tinjire mu kusopa. Ndicho chifukwa ise tiliri kuno, kwa pafupifupi pakunji maminiti ghakurondezgako sate-fayivi, fote, kuti timusope.

⁶¹ Sono, Fumu, apo ise tikukhala chete panthazi Pinu, kuwonanga kuti Joshua withu mukuru, Mzimu Mutuwa, Murongozgi withu Wauzimu wa nyengo iyi...umo Joshua wakaŵakhazikira chete ŵanthu panthazi pa Moses ndipo wakati, "Ise ndise ŵakukwanira kutora charu." Chifukwa iyo wakalaŵiskanga, nthu pa ŵa Amaleki ŵara panji ŵa Amori, kweni iyo wakalaŵiskanga pa phangano Lauzimu ilo likaperekeka na Chiuta.

⁶² Ndipo mu nyengo iyi ya nthimbanizgo na kaŵiro aka ako charu chirimo, na pa mlenji wakutowa uwu wakupumura, ise takhala chete panthazi Pinu, ndipo tikuyowoya mkatikati mu kukopera kose, kukoperanga kwakuthupi, mu kuŵapo kwa yiheni yose na mizimu yakupusika, umo ise tikulaŵiskira ku Mazgu gha Chiuta na kuyowoya kuti ise ndise ŵakuru kuruska ŵachatonda! Chiuta wakayowoya kuti Iyo wazamkuwa na Mpingo uwo uzamkuwa wambura banga panji wambura khwinya mu Uwu, ndipo ise tikumanya kuti ise tizamkuwuwona Mpingo ula dazi linyake. Ndipo ise tikutokatoka ngati mamembara, kugomezganga kuti ise ndise viwaro vya gulu likuru ili lakubabikaso na Chiuta ndipo Mpingo pa charu chapasi muhanyauno, ise mwakufikapo tikumufika Chiuta mu Zina la Fumu Yesu.

⁶³ Ndipo apo ise tikwiza mwakujikhizga, ise tikuromba kuti Imwe mufumiskege mu malingaliro ghithu na mitima yithu vinthu vyose vya charu, kutokatoka kose kwa umoyo na madandaulo, ndipo kuti Imwe, O Chiuta, mutiŵikenge ise mu kaŵiro ka kusopa, mwakuti ise tingamanya kumusopani Imwe kwizira mu kupulikanga kwa Mazgu Ghinu.

⁶⁴ Sono, umo Yohane, mu chisambizgo chithu mlenji uwu, wakalira chomene chifukwa chakuti kukaŵavye munthu wakwenerera kuti watore Buku, ndipo mu mitima yithu ise tingamanya kulira mlenji uwu, Fumu, pakuti kulije munyake uyo ngwakwenerera kujura Buku ili. Kweni kulira kwa Yohane kukaŵa waka kwa kanyengo kachoko, mwaluŵiro iyo wakapembuzgika ndipo Mwanamberere wakiza ndipo wakatora Buku; O Mwanamberere wa Chiuta, mlenji uwu, zaninge ndipo torani Buku ndipo jurani Ili kwa ise, Fumu. Ise tikulindizga kwa Imwe. Mu kupereŵera kwithu ise tikulindizga kuti tiŵe...Tikhutiskeni ise na Kuŵapo Kwinu na Mazgu Ghinu.

⁶⁵ Mawoko ghanandi ghakwezgeka kwa Imwe, O Mwanamberere wa Chiuta. Ise tikumanya kuti Imwe mukumanya mtima uliwose, pakuti Imwe mukamanya

vyakukhumba vyawo. Ndipo Imwe ndimwe waka Chiuta mukuru muhanyauno umo Imwe mukaŵira kale. Ndipo Imwe nyengo zose muŵenge chimozi, chifukwa Imwe ndimwe ŵakufikapo na ŵambura mphaka ndipo Imwe mungasintha yayi. Ndipo ise tikuromba mlenji uwu kuti Imwe mutikhutiskenge ise, pempho la waliyose. Perekani, Fumu, mwakuti iwo wose ŵaŵe ŵakukhorwa apo iwo ŵakuruta kufuma mu nyumba, kuti iwo ŵanguŵa mu Kuŵapo kwa Chiuta ndipo ŵakuruta ŵali na kukhumba kwa mitima yawo. Fumu, kuruwa yayi kundisazgiramo ine mu nambala yira, naneso. Pakuti ine nkhuromba ichi mu Zina la Yesu. Amen.

⁶⁶ Sono, tiyeni tijure mu Buku lithu lauchizi, kukhazganga Mwanamberere kuti wajure vididimizgo, panji kuti watijurire Buku ise. Tiyeni tijure sono, ise tiri mu chipatulo 5 cha Buku la *Uvumbuzi wa Yesu Khristu*.

⁶⁷ Sono, ndipo ku ŵabwezi ŵane ku vigaŵa vyose vyakupambanapambana vya charu awo ŵatipulikenge ichi kwizira pa tepi ya magineti, mkati muno ine panyake niyowoyenge kuti ine nkhuwenera kuti nirongosore chisambizgo na vinyake ntheura kuti nipange ichi. Ndipo munthu waliyose uyo walije chisambizgo walije na utumiki. Ntheura usange iwe ntha ukughanaghana kuti mpingo wako uyipulikizge tepi, ipo kuŵazomerezga yayi iwo ŵayipulikizge iyi. Kweni ine nkhuwongosora waka malingaliro ghane ndamwene na kapulikiro kane ndamwene, uvumbuzi wane ndamwene wa Mazgu gha Chiuta.

⁶⁸ Sono, myezi yichoko yajumphha ise tikawererako ndipo tikarongosora...mazuŵa ghachoko ghajumphha, mphanyiko, ise tikaruta ndipo tikarongosora chipatulo 4, chipatulo 3 kufika 4. Ndipo sono, pa Sabata yamara, ise tikarongosora chipatulo 4 kufika 5. Ndipo sono, muhanyauno, ise tikukhumba kuti tirongosore cha 5 na kuŵika lufura la cha 6 icho chikurondezgako.

⁶⁹ Ndipo muhanyauno ndi chirato chane kuti ndiŵike Malemba mu dongosolo, kuti panyake kunthazi, ine nkhumanya yayi kasi pazamkuŵa pauli, kweni usange Fumu yingazomerezga, dazi linyake kuti nizakaŵe na ungano wa mazuŵa seveni mu kachisi pa *Vididimizgo Seveni*. Ise tikaŵa na Miwiro Seveni ya Mpingo, sono ise titorenge mausiku gha vididimizgo vyamchindindi seveni vya Chiuta, kujuranga chididimizgo usiku uliwose mpaka ichi chifike ku Vididimizgo Seveni. Sono, ine nkhumanya yayi apo Fumu yizamkuperekera icho, kweni, usange Iyo wachita, ine niŵikenge waka lufura la ichi mlenji uwu.

⁷⁰ Ndipo kufikanga ku mavesi ghaumaliro gha ili le... gawo pachanya apa, panji gawo la Lemba, ise tirongosorenge *Masabata Sevente Gha Daniel*. Ndipo masabata ghatatu ghaumaliro, kumangirira ichi na Chikondwerero cha Pentekosite

icho chikuwatorera wanthu kufika ku cha...vididimizgo vyaumaliro, ndipo pamanyuma kukhala wakunozgeka kuti Mwanamberere wajure vididimizgo.

⁷¹ Ndipo, kumbukirani, vididimizgo ndi chinthu chamchindindi. Buku likaŵa lakudidimizgika ndipo ichi chikaŵa kuwaro, likaŵa na vididimizgo seveni ivyo ntha vikaŵa vyakuvumbukwa nanga ndi mu Buku. Vinthu ivi ntha viri kulembeka nanga ndi mu Baibolo. Kweni, usange munyake wangapereka kutanthauzira kwa ichi, ichi chikwenera kuti chikoleraneko na Baibolo lose. Ndipo, o, ine ndiri na chigomezgo kuti imwe musangenge thumbiko kufuma ku ichi, panji ine nkughanaghana kuti imwe muchitenge. Ine nkugomezga kuti imwe muchitenge.

⁷² Ine nangufumulira na kuvwara waka chikhoti kuti nifike kuno mlenji uwu, chifukwa uku kwanguŵa...Ine nanguŵa chikhalire kula, naŵazganga, ndipo Mzimu Mutuŵa wandikhuwizganga waka ine mwakuwerezga na mwakuwerezga na uweme Wake. Ndipo ine...Para ine nanguti nawona icho, ine nangughanaghana, “O, usange ine ningakayowoya waka ichi kusika kula umo Imwe mukupereka ichi kwa ine muno, ise tose mbwenu tiwenge na nyengo yeneko.” Kweni, munthowa yinyake, para iwe wafika panthazi pa wanthu, nthaura iwe ntha ukupulika ngati ndiumo iwe ukuchitira para iwe uli kwakwekha mu kuromba, panji chinyake chirichose.

⁷³ Kweni, sono, kuti tiyambire kumanyuma pa mavesi ghakudanga, ise tikusanga kuti...Sono, kuti tiyambire apo ise tikalekezgera pa Sabata yamara, ise tikusanga umu kuti Paulos, kula mu Waefeso 1:13 na 14, wakatiphalira ise kuti ise ndise...tiri na chikhole cha chiponosko chithu, chikhole cha uwombozi withu. Pakuti ndi Mzimu Mutuŵa uwo ndi chikhole cha uwombozi withu. Ndipo ichi...Masabata ghachoko ghakwiza gha kusambizga chose tizamukhazikika pa uwombozi, wonani, pa uwombozi, ntha pa kurunjiskika. Ntha...Ichi chikukhazikika pa uwombozi; ntha pa—udindo wa umukhalapakati wa kuweyerera, kweni pa *wakuwomboreka*. O, chiharo icho chikatayika panji chikapokeka ndipo chiri kuwomboreka chawerera kwa ise kamozaso, na umo chose ichi chikachitikira na umo Chiuta wakanozgera ichi pambere charu chindaŵeko, na kuvikilirika umo Mpingo uliri wakukhozgeka.

⁷⁴ Ine nkugomezga kuti ichi chafika ku nyengo yakuti ise tikwenera kuti timanye umo ise tikuyimira. Kasi imwe mungachita uli chinyake pekhapekha imwe muli na chipulikano mu icho imwe mukuchita? Imwe mukwenera kuti muŵe na chipulikano. Ndipo icho ndicho chirato chane chakuchitira ichi na mpingo kuno, ndi chakuti nipereke ku wakugomezga chipulikano na chigomezgo mu icho iwo wakuyimira, chifukwa ichi ndi Mazgu gha Fumu. Nthaura malinga kwizira mu Malemba ichi chakhazikiskika makoraghene kufuma ku Genesis

kufika ku Chivumbuzi, kumanyuma na kunthazi, na kukwera na kukhira, kwambura nthowa kuti devulu wanganjirira mula munthowa yiriyose, nthoura imwe muli na chisimikizgo cheneko, wonani, imwe mukumanya apo imwe mwayimirira.

⁷⁵ Chinthu chimozi chingamanya kuwa na mlongosi withu muno uyo wali mu mpando wakutchika, panji wanyake awo mbarwari na wakukomwa. Usange imwe munga wa na kapulikiskiro kakufikapo kakuti “ndi kukhumba kuweme kwa Chiuta kuti wamuchizgeni imwe,” kulije viwanda vyakukwanira mu charu kuti vimupangeni kukhalirira warwari. Mukuwona? Uwo mbunenesko, para imwe mukupulikiska kuti ndi kukhumba kuweme kwa Chiuta kuti wamuchizgeni imwe, kuti Iyo wali kumuchitira ichi, ndipo imwe mukupulikiska pamanyuma umo kuti imwe mungachitira chinthu chinyake.

⁷⁶ Ichi ngati ichi. Usange ine nkhamuphalirani imwe na mtima wane wose. . . Usange imwe muka wa pafupi kufwa, ndipo imwe muka wa na chigomezgo chikuru mwa ine ngati munthu muneneska, ndipo ine nkhamuphalirani imwe apo paka wa sauzandi dolazi, umo imwe mungaghasangira ghara, msewu uwo imwe muyendenge, ndendende kwakuti murute, ndipo imwe mwapulikiska ndendende apo pali ndalama. Mukuwona? Nthoura imwe muyambe kusekerera nkhanira nyengo yeneyira, kuyana waka ngati imwe muka wa nayo ndalama, usange imwe mukundigomezga ine.

⁷⁷ Nthoura, imwe wonani, pambere imwe mundafike. . . mundapulike chinyake chakulekana panji chinyake chirichose, imwe mungamanya kuwa waka wakukondwa pa machirisko ghinu mu kuyowoya kuti imwe “napokera ichi,” chifukwa imwe mwasimikizga mwakukwanira kuti imwe mwapokera ichi, chifukwa imwe muli na chisimikizgo mwa Yumoza uyo wakalayizga ichi kwa imwe. Mukuwona? Mukuwona? Chinu—chisimikizgo chinu ntchakuti Iyo wangateta yayi, ndipo Iyo wamuphalirani imwe ndendende apo ichi chika wa, ndipo nthoura imwe—imwe muli nacho chisimikizgo kuti imwe muti, imwe mwapokera kale ichi, chifukwa icho ndi chipulikano chinu cheneicho ndi chikhole cha uwombozi winu.

⁷⁸ Mu mazgu ghanyake, imwe mukuyezga kuwomboreka ku urwari, ndipo chipulikano chinu ndi chikhomesko chira cha wakatumbikika ula. . . panji, mphanyiko, ndi chikhole cha machirisko ghinu. Malinga chinyake chikuyowoya mu mtima wako, “Ine ndine Yehova uyo wakukuchizga *uwe*,” icho ntchiweme waka, ndicho chekha iwe ukukhumba. Icho ndi. . . O, imwe mungayambapo waka kuwa wakukondwa, kwali pachitike vichi. Usange imwe mukupokera yayi ichi, usange imwe mukufika pa kusuzgika chomene, imwe ndimwe waka wakukondwa waka ngati ndiumo muka wira, imwe muka wa makora chomene, chifukwa imwe muli na chisimikizgo chira kuti ichi chamara. Kasi mbalinga wakupulikiska icho sono,

tiyeni tiliwone woko linu. Apo imwe muli. “Ichi ndi ukaboni wa vintu vyambura kuwoneka.”

⁷⁹ Sono, ise tikusanga pamanjuma kuti mu kwambiliro uku kwa chipatulo, kuti ise tikusanga kuti chakuda-. . . chipatulo 5 ndi chakumangilirako waka, ichi ndi—ichi ndi—chakulumikizira cha diamond icho chikumangilira chigaŵa chaumaliro cha muwiro wa Mpingo, wa chipatulo 3. Chipatulo 4 chikuphara kuti Yohane wakatorekera kuruta Kuchanya. Ndipo chipatulo 5 ndi kunozgekeranga kwa aŵa. . . Uko imwe mukajumpha mu Miwiro Seveni ya Mpingo, pamanjuma Yohane wakuruta kuchanya mu chipatulo 4. Ndipo chipatulo 5, iyo wakunozga waka malo apa gha kujurikanga kwa Vididimizgo Seveni. Umo iyo wakachitira waka mu chipatulo 1 cha Chivumbuzi, kujuranga nthowa ya Miwiro Seveni ya Mpingo (kula Iyo wayimilira mkati mu vyakuŵikapo ŵakandulo vya golide, ndipo Iyo wakuwoneka ngati Yasipara na libwe la Sardini), ndipo Iyo wakunozgekeranga Miwiro yira Seveni ya Mpingo.

⁸⁰ Sono Iyo wakunozgekeranga kujurika kwa Vididimizgo Seveni vira vya uwombozi. Wonani, icho ndicho chipatulo 5 chiri. Ndicho chifukwa ine nanguŵazga ichi nkhaŵazga ichi ndipo pamanjuma kuchitora waka ichi kufumira kula, na kuyowoyapo pa ichi na kupereka vigaŵa vinyake vya Malemba; ndi chifukwa chakuti ichi nthu ndi vesi pa vesi, chinyake icho chikuchitika, ichi chikunozgera kuti chinyake chichitike. Ndipo usange imwe mwanozgekeranga, nthaura imwe mbwenu waka. . . imwe mwachinozgekeranga ichi nthaura. Ndipo umo ndimo kuliri na chipulikano panji chinyake chirichose. Sono, ichi, vididimizgo. . .

⁸¹ Ine ndiri na Malemba ghanyake na ndemanga na vinyake nthaura nalemba apa. Sono, mu Ŵaefeso 1:13-14, ise. . . usange imwe mukakhumbanga kuti mulembe ichi, kuti, “Ise sono tiri nacho chikhole. Mzimu Mutuŵa ndi chikhole cha chiharo chithu.” Mu mazgu ghanyake, Ichi ndi chisimikizgo, chikhole ndi “*chisimikizgo*,” “malipiro ghakwabirapo,” kuti ise tapokerereka mwa Khristu. Ndi chigomezgo chakutumbikika na chivikiliro kuti ise tiri nawo Umoyo Wamuyirayira ndipo ndise ŵahaliri ŵa chirichose icho Iyo wakatigulira ise. O, mwe! Kasi imwe mukuchiwona ichi?

⁸² O, para ise tadidimizgika na Mzimu Mutuŵa (ine nkhourutirira kuwerezgangapo ichi chifukwa ine nkukhumba yayi kuti imwe muchiphonye ichi), ndi chididimizgo cha Chiuta cha chisimikizgo kuti chirichose icho Khristu wakatifwira ise ntchithu. Ndi Chiuta wakuti, “Ine ndamupokererani imwe sono, ndipo Ine ndimupeninge Chididimizgo ichi icho imwe mukulindizga waka nyengo yira,” kufika ku uwombozi withu wathunthu, ndipo icho ndiko kuti ise tiri kwambako kale kuwomboreka.

⁸³ Umo ine nkhayowoyera pa Sabata yinyake, ine nkhuomezga ichi pakaŵa, pasi *uku* pa mzere wa musu ndi kwenekuko wakwananga wakwenda, matope, fuvu, ukazuzi, unyakasi. Sono, iyo . . . iwo panyake ŵangaŵa ŵakuphotoka . . . kugeza maora ghanayi ghalighose, iwo panyake ŵangavwara malaya ghaweme chomene, iwo panyake ŵangaŵa ŵakusambira chomene; ndipo ŵakazuzi na ŵakubinkha ngati viliŵa vyakunata mu gehena, mu uzima wawo. Mukuwona?

⁸⁴ Sono, Mukhristu wakwenda pachanya pa ivyo, chifukwa iyo wali kutoreka, wakakwezgeka kufuma mu unyakasi ula na ukazuzi; wali kuchanya *uku*, ndipo iyo wakwenda pachanya pa ichi. O, ine nkhuचितမာဝါး icho! Umo Paul Rader wakayowoyera icho nyengo yira pa chigodo, imwe mukumanya, iyo wakati, “Ine nkhwenda pa ichi! Ine nkhwenda waka pa ichi!” Kula ndiko ichi chili sono:

Chisimikizgo chakutumbikika, Yesu ngwane!
 O, ndi kuchetako kuchoko uli (Ine nazomerezgeka kuti nimwepo pa Mbwiwi.)
 ya uchindami Wauzimu!
 Ine sono ndine muhaliri wa chiponosko, ine ndagurika na Chiuta,
 Wakubabika na Mzimu Wake ndipo wakachapika mu Ndopa Zake.
 Ndicho chifukwa iyi ndi nkhani yane, iyi ndi sumu yane,
 Kwimbanga—kwimbanga marumbo Ghake dazi lose lathunthu.

⁸⁵ Wonani, kukwezgeka kujumpha mizgezge, kufuma ku unyakasi, kucheterakothu! Ise tiri nacho chikhole sono cha chiharo chithu chathunthu, chifukwa Chiuta wali kutisutura kale ku misisi ya charu kufuma ku vinthu vya charu ndipo wali kutipanda ise pa malo ghapachanya; wakandikwezga muchanya ine, wakandikhazika, wakandisinthu ine kufuma ku vinthu vya charu; wakafumiskako misisi, minthavi, chirichose, ndipo wakandikwezga muchanya ine, kufuma mu dongo lamatope, kufuma mu ukazuzi wakale wa kwananga; ndipo wakandipanda ine pachanya pa Phiri la Zion, kukhala mu munda wa vipaso ya ŵakutemweka, Ŵatuŵa ŵa Chiuta. Ndipo sono ise ndise ŵenekokaya ŵa Ufumu ula, ŵabale na ŵalóngosi mwa Khristu Yesu, ukazuzi wose na kwananga na maukazuzi vyafumamo mu malingaliro ghithu. Maji ghithu . . . mathupi ghachapika na maji ghatuŵa ndipo mitima yithu yakuwazgika na Ndopa za Fumu Yesu, ndipo Mzimu Mutuŵa wakukhala na mphepo Zake zikuputa mu minthavi yithu dazi lose lathunthu, kutikhuŵanga ise na kutigwedezganga ise na kutipanga ise kukhozganga misisi yithu na kumera kunjira mwakuzama. Ntchiweme yayi icho? “Chikhole cha chiponosko chithu.”

⁸⁶ Chiharo chithu chakutayika, chipatulo ichi chikuvumbura. Chiharo chithu chakutayika chawezgereskeka na withu wauchizi, Muwomboli wakuchindikika wa Pachibale. Umo Chiuta wakakhilira pasi ndipo wakazgoka...wakasintha mawonekero Ghake kufuma kwa Chiuta ndipo wakazgoka munthu, mwakuti waŵe munthu, kuti wazgoke munthu Muwomboli wa Pachibale, kuti wawezgereske charu cha kuthupi ku ŵanthu ŵa kuthupi. Amen! Umo kuti Chiuta (Wakuchanya) wakazgoka thupi kuti wazgoke wa Pachibale, chifukwa Iyo nthena wakasuska yayi marango Ghake Yekha. Iyo wakayenera kuti wafike kwizira mwa muwo-...ntchito ya muwomboli wapachibale chifukwa umo ndimo Iyo...ndiyo pulani Yake. Umo ndimo Iyo wakachitira ichi.

⁸⁷ Chiuta kumanyanga kuti munthu wawenge, kweni Iyo nthu wakapanga munthu kuti wawe. Chiuta kumanyanga kuti munthu watayike, nangauli Iyo wakakhumba yayi kuti munyake watayike. Kweni kupanga kuti chiwoneskero chikuru cha maukhaliro gha Chiuta chingamanya kuwonekera ku ŵanthu wose, mwakuti Iyo wangamanya kuŵa Muwomboli, Iyo wangamanya kuŵa Muponoski, munthu wakayenera kuti wawe. Chikaŵa mwa iyo kuti wawe, nthaura chikaŵa mwa Chiuta kuti wamuwomboreso iyo. Uko ndi kuwo-...ise tikwenera kuti tiŵe na nyengo yausiku, kuti tipange nyengo ya muhanya yiŵeko. Ise tikwenera kuti tiŵe na urwari, kuti kutipange ise tinjoye thanzi liweme. Chirichose, uweme na uheni. Sono, ndipo Muwomboli withu wa Pachibale...

⁸⁸ Sono, ine nkikhumba kuti imwe muwone apa. Ine nkihulaŵiska nkhanira pasi pa chipatulo 5 ichi, para iyo wakati walaŵiska pa ichi, “Ungopanga!” Mu vesi 5 ili, “Ungopanga!” Wonani, nyengozose pali...Imwe mukikhumba yayi kuchita mantha na chinyake.

...yumoza wa ŵalara wakati kwa ine, Kulira yayi: wona, Nkharamu ya fuko la Juda, Msisi wa David, yatonda kuti jijurenge buku, na kuti yisuture vididimizgo vyake seveni.

...ndipo, nthaura, wona, mu...nthaura, mkatikati mwa chizumbe na...vikoko vinayi, ...mkatikati mwa ŵalara, mukayimirira Mwanamberere...

⁸⁹ “Mwanamberere.” Ntchifukwa uli iyo nthu wakayiwona Mwanamberere pambere wandakwere kuchanya? Mwanamberere wakaŵa kuti wakhala pasi pa Chizumbe cha Ŵadada, mkati mu—ŵalonda. Johane watondeka kulaŵiska mkati mula, iyo wakawona waka vya mitu-foru vira...panji vikoko vira vyayimilira kula, panji Ŵakerubi ŵanayi ŵara ŵakayimirira kula kulonderanga Malo Ghatuŵa. Ndipo ise tikachitora ichi pa Sabata yamara, ndipo kweniso mu visambizgo vinyake, kuti iyo wakawiwona vira kweni iyo

ntha wakachiwona icho chikaŵa kuseri kwa icho. Ndipo mkati mula, mbwenu pa nyengo yimoza, kula kukawoneka... nkhanira mwakuziziswa, kwamabuchibuchi, pakaŵa Yumoza, Mwanamberere.

⁹⁰ Sono, kuwoneska kuti Ichi nthā chikaŵa chikoko cha kuthupi, mwanamberere, chifukwa Ichi chikatora Buku kufuma mu woko lamaryero la Iyo uyo wakakhala pa Chizumbe; mwanamberere nthena wakachita yayi icho, wonani. Iyo wakaŵa—Iyo wakaŵa—Iyo wakaŵa Mwanamberere, wakaŵa Khristu. Mu kayowoyero kanyake, mu maukhaliro Ghake Iyo wakaŵa wakuzika na wakujikora ngati mwanamberere.

⁹¹ Sono, wonani, wakaŵa Muwomboli Mwanamberere, Muwomboli Mwanamberere kuyana waka ngati wakudankha. Chiuta wangasintha yayi! Amen! Muwomboli wakudankha wakaŵa mwanamberere, mu munda wa Eden, wakaŵa mwanamberere uyo Chiuta wakapereka. Ndipo uku uyu ndiyo kamoza, kufika nkhanira mu Chivumbuzi, ndi Mwanamberere kamoza. Kuti wawombore vichi? Kaŵiro kakuwa na chiharo chakuwa cha mtundu wakuwa wa ŵanthu. Mwanamberere wakwizaso kuti wawombore, ngati ndiumo withu wakaŵira pa chiyambi, kuti watiwombore ise.

⁹² Kuti wawombore vichi? Kasi Iyo watiwomborege ise pa chakulinga uli? Kuti waphwanye... wapereke ichi kwa... Chirichose icho chawomboreka ndi chinyake icho chikatayika. Ndi chinyake icho chikatayika ndipo pamanuma ichi chikuwezgereskeka kamoza. Kasi Iyo wakupereka vichi kwa ise, Mwanamberere uyu? Chirichose ise tikaŵa nacho pa chiyambi.

⁹³ Kasi ise tikaŵa na vichi pa chiyambi? Umoyo Wamuyirayira. Ise tikaŵa ŵahaliri ŵa charu. Ise tikaŵa na Umoyo, ise nthā tikayenera kuti tifwenge. Ise nthā tikayenera kuti tirwarenge. Ise nthā tikayenera kuti tichekurenge. Ise nthā tikayenera kuti tiwenge na madandaulo. Uko kukavavye nyifwa, kukaŵavye malaro, kukaŵavye uheni, kukaŵavye nyifwa, kukaŵavye nyivwi, kukaŵavye mapewa ghakubwanthuka, kukaŵavye kutengera, kukaŵavye kulira. Ise tikaŵa na Umoyo, Wamuyirayira! Ise tikaŵa na mazaza pa charu chose chapasi. Ise tikaŵa waka kachiuta (mbwenu kwamara) pa charu chapasi; tikendendekanga, ndipo usange khuni ili likawoneka makora yayi kuyimirira uku, ise mbwenu tikatenge, “Iwe zgurika ndipo ukhale kudera uku,” ndipo ili likamanyanga kuchita ichi. Mphepo zikaputanga, ise tikakhumba yayi kuti mphepo ziputenge, “Mtende, khala chete,” ndipo iyi yikachita ichi. Ndipo kasi Iyo wakiza kuzakachita vichi? Kuti wawombore vyose vira viwerere kwa ise kamoza (O, o, o, o, o, mwe!), kutora vyose vira kuwerera kamoza.

⁹⁴ Ndipo sono chilengedwe mwa ichochekha chikutampha,

kulindizganga vichi? Kuwonekera kwa wana wa Chiuta, kuti wana wa Chiuta wawonekere.

⁹⁵ Ndipo ise tiri na chikhole cha chiponosko chithu sono, ndipo tingamanya kumutora m'bale withu uyo wakufwa na kansa, na kuyimirira na mvuchi uchoko ula wa uwombozi, na kuromba lurombo la chipulikano pa iyo ilo lisinthenga muzgezge wa munthu kuwerera ku munthu wa thanzi liweme kamosaso; kasi ise tichitenge vichi para chiharo chithu chathunthu chafika? Amen!

⁹⁶ Chilengedwe chikumanya icho. Chilengedwe chikutampha ndipo ise tikutampha pamoza na ichi. Chilengedwe chikulindizga kuwonekera kwa wana wa Chiuta, chifukwa chilengedwe chikatembeka pamoza na bwana wake. Para bwana wake wakati watembeka (wapachanya chomene), nthaura chilengedwe chikawa pamoza na bwana. Kweni para Muwomboli uyu wa Pachibale wakati wafika (Aleluya!) ndipo wakamuwombora munthu uyo wakawa mweneko wa chilengedwe. Nthaura chilengedwe chose chikulindizga munthu, bwana.

⁹⁷ Kasi ise tikuchita vichi? Tikutora mbavi ndipo tikuyiŵika iyi mu woko lithu ndipo tikuwiskira kuni pasi usange ise tikukhumba kuchita; kweni dazi lira ise tizamuchita yayi icho. Amen!

⁹⁸ Chilengedwe chose chikulindizga bwana wake. Ndipo bwana ndi wana wa Chiuta awo wakapika charu chapasi ichi. Sono, Chiuta wazamkuwa na machanya Ghake, nkhumanya, kweni ichi chikaperekeka kwa munthu. Ndipo Muwomboli wa Pachibale wakiza kuzakatiwombora ise kuwerera ku icho ise tikataya. Mwe kutowa! Mwe! Ine nkughanaghana waka kuti icho ndi . . . “Muwomboli Mwanamberere.”

⁹⁹ Para ntchito yamara, ise tiri na vinthu vyose kamosaso. Kasi ndi mtundu uli wa vinthu vyose? Ise tiri na mazaza ghose. Ise tiri na Umoyo Wamuyirayira. Ise tiri na thanzi Lamuyirayira. Ise tiri na ukirano Wamuyirayira. Ise tiri na nkhangono Yamuyirayira. O, ise ndise waka Wamuyirayira na Wamuyirayira! Ndipo, nthaura, ise tose tikulindizga nyengo yira kuti yifike, kulindizganga na kutamphanga, kulindizganga.

¹⁰⁰ Ndipo Buku ili la vigawa seveni vya mapulani seveni gha uwombozi laperekeka kwa ise, ndipo icho ndicho Buku ili likusunga. Sono, ise tifikenge ku chipatulo 10 uko Mungelo mukuru uyu wakuyowoya chinyake icho . . . ndipo Iyo wakawa na Buku lichoko ilo Yohane wakayenera kuti warye. Ndipo para iyo wakati wachita, iyo wakanjizga ili mu nthumbo yake ndipo ili likaŵa lakuŵaŵa, kweni mu milomo yake likaŵa lakunowa.

¹⁰¹ Para iwe ukwenera kuti ulipulikiske Ili, nthaura ili likuŵaŵa, waliyose wakwimikana nawe, waliyose wakukuphalira “Iwe ndiwe mutuŵa wakukunkhuruka, iwe

ndiwe *ichi, icho*, panji *chinyake*.” Mukuwona? “Iwe ndiwe—iwe ndiwe—iwe watimbanizgika m’mutu wako.” Ntheura ntchinonono kulipulikiska Ili; kweni para iwe ukuchitira ukaboni Uchindami Wake, Ili likunowa mu milomo yako. Mbweni kwamara. Mukuwona? Ndipo para iwe wayimirira mu unganu, iwe ukuti, “Uchindami kwa Chiuta! Ale-...” O, para iwe ukujumpha mu chiyezgo chikuru chira, ili ndinonono; kweni ntheura para iwe uli kuwaro kwa chiyezgo chikuru chira iwe ungamanya kuchitira ukaboni za ichi, ntheura Ili likunowa mu milomo. Mukuwona? Uwo mbunenesko. Ilo ndi Buku ili la uwombozi.

¹⁰² Sono, sono, ise tikukhumba kuti tipereke chithuzithuzi chimoza chichoko mu vesi 5 umu, ndipo pamanyuma ise tiyambirengeso pa...titore vesi lithu 6 na kuyambapo. Sono, ine nkukhumba kuti imwe muwone mu ndondomeko ya uwombozi umo Chiuta wakachiwoneskera ichi, Iyo wakachita ichi makoraghene mwa Rute na Boaz. Ine...Kula ndiko ise tikamalizgira pa Sabata yamara. Sono, ine nkukhumba kuti niyambire nkhanira apo sono, muhanyauno, pa Rute na Boaz.

¹⁰³ Sono, pali masiteji ghanayi, panji, mphambano zinayi mwa Rute na Boaz. Yakudankha ndi Ruth *wakupanga chisankho*. Kasi mbalinga wali kundipulikapo...ine nkupharazga uthenga? Tiyeni tighawone mawoko ghinu. Ine nkhumanya...Enya, imwe mose, ine nkhusachizga. Ine nkhaŵapo nawo uwu kuno, ndipo nkhaŵa nawo uwu pa matepi na vinyake ntheura. Rute, chakudankha, iyo wakenera kuti *wasankhe* kwali iyo warutenge mu charu ichi, panji yayi, na Naomi. Iyo wakayenera kuti wapange chisankho. Ntheura para iyo wakati wafika kula, chinthu chakurondezgako iyo wakenera kuti wachite chikaŵa *kutumikira* mu munda wa Boaz; kuwaro kula, wambura skapato, kuvuluranga kumanyuma kwa ŵakuvuna, kutumikiranga. Ndipo ntheura para iyo wakati wasanga uchizi mu maaso gha Boaz, ntheura iyo wakayenera kuti *walindizge* kufikira kuti Boaz wakachita uwomboli wa pachibale, kuti wawezgereske vyose ivyo Naomi wakataya kuti wamutore Rute, wa ku Moab. Ndipo ntheura steji yakurondezgako, ndi—ndi Ruth *wakupokera njombe*.

Sono, wonani. Rute, *wakupanga chisankho*, chakufikapo... .

¹⁰⁴ O, munyake wayowoye “Baibolo lira likaŵa lakhuŵirizgika yayi,” chiripo chinyake chakwanangika na iwo. Lizgu lirilose la Ili ndakukhuŵirizgika, Lizgu lirilose la Ili likukwana makora kuyana waka na joyini pa—pa—pa thabwa. Ili likunjirana waka makoraghene pamoza ngati masipoko pa chingerengere chankhongono chikuzingilira, kuchitchera waka miliyoni pa sekondi, nkhanira waka ndendende.

¹⁰⁵ Sono, wonani mu ichi sono, Rute, *wakupanga chisankho*, iyo wakayenera kuti wapange chisankho kwali iyo wasankhenge

kuti warute kudera kula panji yayi. Iyo wakayenera kuti wapange chisankho. Sono, umo ndimo wakugomezga waliyose wakwenera kuti wachitire. Imwe mukwenera kuti muvireke vizgoŵezi vyinu vyakale mu, imwe mukwenera kuti muwureke umoyo winu wakale, imwe mukwenera kuti muvireke vyakale—vinthu vyakale vya charu.

¹⁰⁶ M'bale Roy, kasi wakaŵa Mlongosi Roberson wakarwara? O, ine nangughanaghana waka kuti panyake iyo wakarwara panji chinyake. Ine nate niyowoyenge kuti zanga nayo kuno usange iyo wakaŵa murwari panji chinthu chinyake.

¹⁰⁷ Iwo ŵakayenera kuti ŵavireke vizgoŵezi vyakale vya umoyo, panji chinyake ngati icho, na—na kwambukira ku sirya linyake la charu chiphya, na ŵanthu ŵaphya awo imwe ntha mukaŵamanya nakale. Kasi icho ndicho imwe mukachita, mukazgoka kuŵa Mukhristu? Imwe mukachireka chipinda chakuseŵereramo pool, imwe mukaghareka malo gha kumwerako usiku. Imwe mukayenera kuti munjire mu gulu la ŵanthu ilo likawoneka ngati likaŵa lakomira viŵaro, iwo ŵakanjenjema ndipo ŵakasunkhunika, ndipo ŵakalira ndipo ŵakapukunya mutu wawo ndipo ŵakaduka kukwera—nakukhira, ndipo, chifukwa—chifukwa, ili likaŵa—ili likaŵa—a—a “gulu la ŵakuzenthuka” kwa imwe. Ntheura imwe mukayenera kuti mupange chisankho kwali imwe murutenge panji yayi. Uwo mbunenesko. Ndipo imwe mukamanya kuti para imwe mukati mwachita, ŵanthu ŵakwinu mwaŵene ŵakati ŵamusekeninge imwe, ŵeneawo imwe mukaŵaleka. Ndi unenesko uwo? Icho chikwiza waka kwambura kuchighanaghanira. Imwe mbwenu. . . iwo ŵakwenera kuti ŵakhazgenge icho kwam,ba na kwamba, chifukwa umo ndimo ichi chiliri.

¹⁰⁸ Sono, Rute wakaŵa na chinthu chimozi. Kasi ŵa Moab ŵayowoyenge vichi kwa iyo para iyo wakati wayambuka kuruta ku Israel, ku gulu la ŵakunyanyira? Wonani, iyo wakayenera kuti wapange chisankho. Iyo wakayenera kuti wasankhe. Ndipo imwe mukwenera kuti musankhe. Ndipo, paumaliro, para iyo wakati wapanga chisankho chake, iyo wakaruta mu—charu chiphya.

¹⁰⁹ Sono, uko ndi kurunjiskika. Ndi unenesko uwo? Sono, uwoneni Mpingo uwu. O, ichi ntchakufikapo.

¹¹⁰ Imwe mukumanya umo ise. . . Kasi mbalinga ŵa imwe mukapulikapo za *Mbewu ya Abraham* para ine nkapharazga pa icho? Umo kuti *kurunjiskika*, *kutuŵiskika*, *ubapatizo* wa Mzimu Mutuŵa. Sono, wonani kwali uwu ndi unenesko panji yayi.

¹¹¹ Rute, *kupanga chisankho* chake, chilinganizgo cha Mpingo, Mpingo wa Ŵamitundu. Iyo wakasankha, ndipo wakayambuka wakanjira mu charu. Sono, nyengo zinandi chomene, ise ŵa Methodist na ŵa Baptist, ise tikughanaghana kuti ndicho chekha imwe mukwenera kuti muchite. Iyo wakaŵa kuti wayambako

waka! Iyo wakaŵa wandafike kulikose, iyo wakanjira waka mu charu.

¹¹² Sono, chinthu chakurondezgako iyo wakayenera kuti wachite, iyo wakayenera kuti *watokatoke*. Iyo wakazgoka wakusunga marango. Iyo wakayenera kuti “watokatokere chiponosko chake yekha na wofi na kunjenjema” ngati ndiumo imwe mukachitira. Iyo wakaruta ku munda ndipo wakavwara malaya ghake, ndipo wakaruta kuwaro mu munda ndipo wakavulura kumanyuma kwa ŵantchito ŵanakazi mwakuti wasange chakurya chakumukwana dazi lira. Ndi unesko uwo? Kasi iyo wakachitanga vichi? Iyo wakayezganga kuti wasange kutemwerekka na Boaz. Ntheura iyo wakatokatokera nthowa iyo mu nyengo ya kusunga marango.

¹¹³ Ndipo icho ndi ndendende icho Mpingo ukachita. Ŵa Lutera ŵakagomezga Ichi mwa chipulikano ndipo ŵakanjira mu charu. Kweni ŵa Methodist ŵakasambizga kutuŵiskika, cheneicho yikaŵa ŵakayima pa dango la Ichi, wonani, “Imwe mukwenera kuti muchite chinyake.” “Ine nkhuenera kuti ndireke! Ine nkhuenera kuti ndisunge sisi lane likurenge,” ŵakayowoya ŵanakazi. Nkhumanya, iwo ŵakuchitaso yayi ichi munthowa yiriyose; kweni iwo—iwo ŵakachita ichi, ŵakasunga sisi lawo likurenge. Iwo ŵakayenera kuti ŵareke kujiphodanga ku maso kwawo. Iwo nthā ŵakavwaranga ghawo—masiketi ghawo mwaujira na—na, panji, ghafupi ngati ndiumo ŵanyake ŵakachitira. Iwo ŵakayenera kuti ŵachite chinyake. Mukuwona? Icho ndicho iyo wakachita, kaŵiro ka kurunjiskika, kaŵiro ka kutuŵiskika.

¹¹⁴ Sono, para paumaliro iyo wakati wasanga kutemwerekka na Boaz, kasi kukachitika vichi? Ntheura Naomi wakamuphalira iyo, “Iwe *ulindizge* pano apo Boaz wakuchita ntchito ya muwomboli wa pachibale, chifukwa iyo ndi yekha pera uyo wangachita ichi. Iyo ndi muwomboli withu wakurondezgako wa pachibale, ndipo iwe ulindizge waka pano. Ntha ungarutangaso ku minda munthowa yiriyose. Ntha ungachitanga *ichi*, *icho*, panji *chinyake*. Iwe ulindizge waka mpaka ntchito ya muwomboli wa pachibale yikwaniriskike.” Ndipo iyo *wakapumura*. Amen!

¹¹⁵ Icho ndendende ndiko Mpingo wafika mu siteji yaumaliro iyi ya Pentekosite. Mukuwona? Mu kuyambilira kwa Pentekosite iwo wose ŵakakuŵirizgika ndipo iwo “wakayenera kuti ŵachite *ichi*,” ndipo iwo ŵakaŵasunkhunya iwo na chinyake chirichose. Sono kasi Mpingo ukuchita vichi? Mpingo weneko *ukupumula* waka. Kasi Kupumura ndi vichi? Ichi chiri apa, *Kupumula* ndi “Mzimu Mutuŵa,” dazi la *mupumulo*. (Ŵa Seventh-day Adventist ŵakukhumba kuti ŵatiphaliire ise, imwe mukumanya, za dazi la nambala seveni kuŵa mupumulo panji chinyake ngati icho.) Mu Ŵahebere chipatulo 4, likati, “Ise taŵeneise tanjira mu *Kupumula* Kwake tiri kureka milimo yithu

umo Chiuta wakachitira ku Yake.” Ntheura *mupumulo* ndi Mzimu Mutuŵa.

¹¹⁶ Ndipo para Rute *wakapumuranga*, ichi chikaŵa chithuzithuzi cha Mpingo kupumuranga mu malayizgano gha Chiuta! Ise tiri nacho chikhole sono cha chiponosko chithu. Ise tikudandaula yayi kwali ise tiyambukenge panji yayi, ise tikuruta! Uwo mbunenesko. Chiuta wakayowoya ntheura! Chiuta wakalayizga ichi ndipo ise tiri nacho chikhole (Amen.), tiri kuchipokera, Khristu watzomera ise. Vingachitika yayi kuti tifumeko ku Ichi sono, ise tiri kula! Amen! Chose ise tikwenera kuti tichite ndi kulindizga waka mpaka . . . Iyo wakutura . . . Iyo wali kusika wakuchita ntchito Muwomboli wa Pachibale. Ise tiri nacho chikhole cha ichi sono nthena, kulindizganga nyengo kuti para Iyo wakwizaso.

Ndipo ntheura chinthu chakurondezgako icho Rute wakaŵa, Rute *wakapika njombe*.

¹¹⁷ Icho ndicho Mpingo ukachita. Uwu ukanjira mu kurunjiskika, pasi pa Lutera. Uwu ukanjira mu kutuŵiskika, pasi pa Wesley. Ukanjira mu ubapatizo wa Mzimu Mutuŵa, mu mazuŵa ghaumaliro agha. Ndipo sono *tikupumula* tiri na chikhole cha chiharo chithu chakuti ise tikumanya kuti chinyake chikachitika mwa ise, ise tajumphha kufuma ku nyifwa tafika ku Umoyo, na tikulindizga, tikutampha pamoza na chilengedwe, kulindizga nyengo yira para ise tizakupokera Umoyo wambura chivundi, uzari wambura chivundi; mathupi ghithu ghazamkuwomboreka. Chirichose chawomboreka, ndipo ise tikulindizga waka kwa Iyo kuti wize kufuma ku chipata. Amen!

¹¹⁸ Ntheura vichi? Rute *wakapika njombe*. Apo ndi penepapo ise tizakupika njombe. Icho ndicho Buku ili la vididimizgo seveni ili lizamujura kwa ise. Kasi vinthu ivi ndi vichi? Ivyo ndi vyamchindindi. Ivi ntha viri kulembeka mu Mazgu, ivi vikwenera kuti vivumbukwe na Mzimu Mutuŵa; kweni usange imwe mungawona, mwakufikapo, ivi ndi vyakuvumbukwa ulendo wose mu Malemba kweni ivi viri kubisika ku ŵanthu. Para ise tafika ku chipepala chakutambasuka para pajumphha kanyengo, imwe muwonenge umo ichi chikavungirizgikira, ntheura imwe mumanyenge waka umo vinthu vira vikujurikira.

¹¹⁹ Sono, enya, *kupumula*. Kasi Ruth pasi pa kurunjiskika . . . Kasi imwe mukuchiwona ichi, yowoyani “Amen.” [Gulu likuti, “Amen.”—Munozgi] Rute pasi pa kutuŵiskika, *kutumikiranga*, wakusunga dango. Rute, *kupumulanga*, kulindizganga Boaz kuti wawereko ku ntchito yakumalizgika.

¹²⁰ Sono, Boaz withu wakayimarizga ntchito pa Mphinjika. Kweni pambere Iyo wandafike kuti watitorere ise kuruta ku Nyumba Yake, Iyo wakuruta Kunyumba chakudankha (mu Yohane 14) kuti wakatinozgere malo ise. Uchindami!

Ntha mungazomerezganga kuti mitima yinu yisuzgike: usange imwe mukugomezga mwa Chiuta, gomezganiso mwa ine.

Mu nyumba ya Wadada wane muli malo ghanandi: usange ichi ntha chikaŵa nthaura, ine nthena nkhamuphalirani imwe. Kweni ine nkhouruta ndipo namkumunozgerani malo imwe.

Ndipo... namkwizaso, kuti nizakamupokerereni imwe...

¹²¹ Wonani, Boaz wakuruta, kasi iyo wakachita vichi? Iyo wakuruta, wakuyimilira... wakatora walara ndipo wakaruta panthazi pa chipata, wakavura skapato yake, ndipo wakati, “Rekani ichi chimanyikwe muhanyauno kuti ine nkhumwombora Naomi na chiharo chake chose.” Iyo wakatora wa ku Moab pamoza na ichi.

¹²² Ndipo para Yesu wakati wafika, kasi Iyo wakiza kuzakawombora njani? Israel. Kasi Iyo wakachita vichi mu kutoranga Israel? Iyo wakatora Mkwatibwi wa Wamitundu. Nadi, Iyo wakachita, para Iyo wakatora Israel. Iyo wakaruta... Ndipo Iyo wakaruta ku Wake Yekha, Iyo wakayenera kuchita. Kasi chinthu chakudankha icho Iyo wakayenera kuti wachite chikaŵa chivichi? Kuwombora Wake Yekha. Ndipo Mpingo wa Wamitundu ndi munung’una waka ku mwanakazi yura, mpingo wa Israel. Nadi! Nthaura Iyo wakayenera kuti wawombore Israel mwakuti watore Uwu. Ndipo iyo wakayenera kuti wawombore Naomi mwakuti watore Rute, mkwatibwi wake.

¹²³ Sono, kasi iyo wakachita vichi? Pambere iyo wandamutore iyo... O, uchindami! Whii! Kasi iyo wakachita vichi? Iyo wakuruta ku munda, ine nkhusachizga kuti iyo wakatoweska chirichose ndipo iyo wakaŵika salu ziphya pasi. O, iyo— iyo panyake wakazenga nyumba yiphya. (Mu chakuchitika chithu, iyi ndi Nyumba yiphya.) Ndipo iyo wakanozgekereska chirichose, ndipo pamanyuma iyo wakawerako wawara luŵa la ukwati. Amen!

¹²⁴ Kasi Rute wakachitanga vichi? Ntha chinthu chimoza. Wakapumuranga! Wakalindizganga! Kulije kusuzgikira, kulije madandaulo!

¹²⁵ “Kasi ine nkhuenera kuŵa wa Methodist? Kasi ine nkhuenera kujoyina Baptist? Kasi ine nkhuenera kuŵa wa Prezibetere?” Yayi, bwana, pokerani waka Mzimu Mutuŵa na kupumura. [Pa tepi palije kalikose—Munozgi]

Ise tikulindizga kwiza kwa dazi liweme lira la Mileniyamu, (Uchindami!)

Para Fumu yithu yakutumbikika yizamkwiza na kutora Mkwatibwi Wake wakulindirira;

O! Charu chikutampha, chikulirira dazi lira la kusutuka kuweme.

Chose cha ichi, chilengedwe chikutampha, mahamba gha chikuyu, chirichose chikulindizga dazi lira la kusutuka kwakutumbikika, para Muwomboli wa Pachibale wakwizaso na kuzakatora Mkwatibwi Wake.

126 Sono Uwu ukupumula. Pasi pa kutuwiskika? Yayi. Pasi pa kurunjiskika? Yayi. Kweni pasi pa vyose *kurunjiskika*, *kutuwiskika*, na kunjira mu *kupumura*.

127 Sono, Yesaya, chipatulo 28 ndipo vesi 18, Ili likuti:

...dango likwenera kuwa pa dango, ...mzere pa mzere, ...apa pachoko, ndipo apo pachoko: koreskani ku icho ntchiweme.

Pakuti na milomo yachikwikwi na malilime ghanyake ine nditiyowoyenge ku wanthu awa.

...Ndipo uku ndi kupumula, uwu ndi Mupumulo, iyi ndi penepapo Mpingo ukunjira kuti ulindizge.

128 Wonani umo ise tikwendera kujumpha mu kurunjiskika, kutuwiskika, sono tanjira mu ubapatizo wa Mzimu Mutuwa: kupumulanga, kulindizganga. Kasi ichi ntchichi? Ndipo sono, sono, para ise tafika ku mauvumbuzi agha imwe muwonenge kasi ichi ntchichi sono. Mukuwona? Umo kuti waka... Vinthu ivi nthena vikasambizgika yayi kufikira nyengo iyi. Ivintha ntha, iwo nthena vikasambizgika yayi. Iwo vikajurika yayi ku wana wa wanthu. Baibolo likayowoya ntheura. Ine ningamanya kumuwoneskani imwe apa mu Malemba kuti ichi ntha chizamkujurika kufikira kuti (wana wa wanthu), kufika nyengo ili. Ndipo sono ise tikumalizga vinthu vikuru ivi vyakutumbikika. Sono... Viri makora.

129 Vesi 6... Panji gawo la 5, mulara mu vesi 5 wakaneneskanga para iyo wakati, "Wona, Mwanamberere!" Kweni, para iyo wakati walaŵiska zingirizge, iyo wakawona Nkharamu. Yikaŵa Nkharamu m'malo mwa Mwanamberere. Kweni pamanyuma kasi chikaŵa chivichi? Ntchito yake ya umukhalapakati yikachitika, umukhalapakati. Iyo wakaŵa... wakareka kuwa Mukhalapakati pa umaliro wa muwiro wa Mpingo, kuti wazgoke Nkharamu ya fuko la Juda, ntchito Yakhe ya umukhalapakati yikachitika. Ndipo Iyo wakayenera kuti wazgoke Nkharamu cheneicho wakaŵa Mweruzgi, sono, ndipo Iyo wakatora, para Iyo wakatora Buku kufuma mu woko.

130 Sono, kumbukirani, para mwanarumi wakaruta kuti wakawombore, kuruwa yayi ichi sono, para mwanarumi wakaruta kuti wakawombore, iyo wakatora wanarumi pamoza na iyo ndipo wakaruta ku vipata vya msumba, pakuwa walara, ndipo kula iyo—iyo—iyo wakalengeza chirato chake chakuwa kula. Icho ndicho iyo wakachita, iyo wakaruta ku chipata, wakati, "Ine ndiri pano kuti ndijiphare ndamwene ngati muwomboli wa pachibale na ku chiharo ichi, ndipo ine ndiri

pano kuti ndijimanyiske ndamwene panthazi pa wâlara aŵa ŵa msumba.” Mukuwona?

¹³¹ Ndipo para...Yohane wakalira. Sono, munyake, umo ine nkhayowoyera sabata yamara, iwo wákati, “Yohane wakalira chifukwa chakuti iyo wakatondeka kusanga munyake wakwenerera.” Cikaŵa icho yayi. Munthu pasi pa chikoka cha Mzimu Mutuŵa wangelira yayi chifukwa cha icho. Waghanaghana kuti, “Chifukwa chakuti iyo wakaŵa wakwenerera yayi,” panyake Yohane iyomwene wakaŵa wakwenerera yayi. Paliye wakwenerera. Kweni iyo nthā wakalira chifukwa cha icho.

¹³² Ine nkhuomezga kuti iyo wakaliranga chifukwa cha chimwemwe chifukwa chakuti iyo wakawona ndondomeko yose ya uwombozi yikalembeka mu Buku ili umu. Ntha chikaŵa chifukwa chakuti kukaŵavve munyake wakwenerera, chifukwa, apo pakayimirira Mwanamberere nkhanira kula wakaŵa wakwenerera. Ntheura iyo wakaliranga, kula iyo wakati, “O, uchindami kwa Chiuta!” Tegherezgani kwa iyo mwakurunjika para iyo wakuyamba kuchemerezga. Sono, kweni ise tikumusanga iyo apa wakulira chifukwa chakuti iyo wakakondwa chomene chifukwa chakuti Mwanamberere wakatora Buku pakuti...kufuma mu woko la Iyo uyo wakakhala pa Chizumbe.

¹³³ Ndipo para iyo wakati wapanga waka...Para Mungelo uyu, Mungelo mukuru uyu, wakachemerezga “Ndinjani wakwenerera?” iyo wakalengezanga nkhanira nyengo yira, iyo wakalengezanga Muwomboli wa Pachibale. Ndipo nkhanira pamanyuma, iyo wakati, “Ndinjani wakwenerera kuti watore Buku?” Ntheura chinyake...Ntheura Yohane wakayamba kulira. Ntheura kasi kukachitika vichi? Iyo wakawona, apo pakayimirira Buku. Ilo likaŵa apo, kweni ndinjani wakaŵa wakwenerera?

¹³⁴ Enya, apo pakayimirira Gabriel, nkhumanya, iyo wakaŵa wakwenerera; kweni, wonani, iyo wakaŵa munthu yayi, ndipo iyo wakaŵa Mungelo. Ndipo apo pakayimirira Mikayeli, iyo wakaŵa wakwenerera; kweni iyo wakaŵa munthu yayi, iyo wakaŵa Mungelo. Ntheura ichi wakayenera kuŵa munyake uyo wakazgoka munthu wa pacharu chapasi ngati ndiumo ise tikachitira. Ndipo ntheura para iyo wakati wawona Mwanamberere uyu uyo wakakomeka kufuma ku mtendeko wa charu, wafika, ndipo iyo wakawona kuti Iyo wakakomeka ulendo wose kufuma ku mtendeko wa charu, ntheura Yohane wakalira. Amen! Chifukwa icho chikaŵa apo, iyo wakawona chinthu chose. Mukuwona?

¹³⁵ Ndipo para iyo wakati walengeza waka “Ndinjani wakwenerera?” iyo wakalengezanga kwiza kwa Muwomboli wa Pachibale. Ndipo apa Iyo wakayimirira, Mwanamberere. Ndipo

kasi Iyo wakachita vichi? Wakaruta ku Chizumbe uko Mzimu wa Chiuta ukaŵa, ndipo wakatora Buku kufuma mu woko lamaryero la Iyo uyo wakukhala pa Chizumbe. Ndipo ŵalara wose ŵakawa pasi ndipo ŵakati, “Imwe ndimwe wakwenerera chifukwa chakuti Imwe mukakomeka.” Mukuwona? Ndipo pamanyuma Iyo wakazgoka nyengo yira . . . Buku Lake, panji pafupifupi Buku la uwombozi, panji—panji Buku la maŵeyerero mu muwiro wa Mpingo likamalizgika, sono Iyo wakuzgoka Muwomboli.

¹³⁶ Sono, kuvumburanga kwa umo Iyo wakachitira ichi kuŵenge mu Vididimizgo Seveni ivi. Sono, ise tikuwona mu . . . ngati ndi para Buku la ntchito ya umukhalapakati ya Iyo yikati yachitika, ntchito ukamalizgika, sono mu machapitala ghakudankha ghatatu gha Mpingo, ghakamara. Kweni sono uwombozi, uwombozi ukwenera kuti uvumbukwe. Kasi ichi ntchichi? Sono, para Iyo wakatora Buku ili . . . Sono, yezgani kuvwara kughanaghana kwinu kwakuzama, chifukwa, usange ise tikatorenge mausiku seveni agha, imwe muti—imwe muchipulikskenge ichi sono.

¹³⁷ Usange imwe mukupulikiska yayi ichi, kwezgani waka muchanya woko linu, yowoyani, “Ine nthā—ine nkhopulikiska yayi ichi,” wonani, wonani, chifukwa ine nkhuumba kuti imwe muwoneseske sono.

¹³⁸ Sono, wonani “Uwombozi.” Pamanyuma, para ntchito Yake ya kuŵeyerera Mpingo yikati yamara, nthaura Iyo wakujivumbura Iyomwene ngati Muwomboli wa Pachibale. Imwe mukurondezga icho sono? Ndipo sono Iyo wavumburenge ku Mpingo umo Iyo wakachitira ichi. Ndipo nthaura usange uvumbuzi uwu uli kuyamba kale, nthaura icho chikusimikizgira kuti ise tiri ku umaliro wa msewu. Amen! Sono, imwe muwone waka kwali Ichi . . . kwali Ichi ntchaunenesko panji yayi, apo ise tikwenda mu Malemba umu.

¹³⁹ Ise tikusanga kuti: Kasi ntchivichi chikavumbukwanga? Kasi uvumbuzi wa uwombozi ndi vichi, kasi ise tikawomboreka uli? Laŵiskani waka kuno mu virimika vichoko vyajumphā icho chikachitika: uvumbuzi wa Zina la Yesu mu ubapatizo wa maji, uvumbuzi wakuti kulije gehena Wamuyirayira, nthā chikamanyikwapo kale (kughanaghananga kuti ŵakutemweka ŵinu ŵazamkuŵa ŵa Muyirayira). Mukuwona?

¹⁴⁰ Ndipo imwe mungaŵa yayi na Umoyo Wamuyirayira pekhapekha imwe ndimwe ŵakuponoskeka. Imwe muli na Umoyo Wamuyirayira, nthaura imwe mungaphyanga yayi mu gehena kwa Muyirayira. Imwe mwamkulangika chifukwa cha zakwananga zinu na umoyo winu wakuthupi, kweni imwe mungaŵa yayi na Umoyo Wamuyirayira mu gehena. Usange imwe muli na Umoyo Wamuyirayira, nthaura imwe mungaphya yayi muyirayira chifukwa kuli mtundu umoza pera wa Umoyo

Wamuyirayira. Ndipo ine ndiri na chisimikizgo kuti Mpingo ukupulikiska icho.

¹⁴¹ Sono, kasi ichi ntchichi? Vinthu vinyake ndi vichi? Ndondomeko ya uwombozi. Laŵiskani waka icho chapika kwa ise mwasonosono na Mzimu Mutuŵa, wonani: Mbewu ya Abraham, icho uvumbuzi ukang'anamura.

¹⁴² Mbewu ya serepente. Mukuliwona Buku ili la Chivumbuzi? Woneseskani para ise tafika ku ichi, umo ichi chikuvumbulira ichi. Ndipo ine nkhasimikizgira ichi nkhanira uku mwa Malemba, uwo ndi Unenesko ndendende. Ine nkhouruta nkhanira mu Chivu-...panji, kumanyuma nkhanira mu Genesis ndipo nkchuchitora ichi na kumuwoneskani para chididimizgo chira chikati chajurika ichi chikuwoneka nkhanira mu Baibolo, kufuma ku Genesis kufika ku Chivumbuzi.

¹⁴³ Ghanaghanani waka, kufuma ku Genesis kufika ku Chivumbuzi kukaŵavye munyake wakabapatizika mu zina la "Dada, Mwana, Mzimu Mutuŵa." Ndi ubapatizo wautesi! Ine nkchayimilira panthazi pa ŵapharazgi firii handiredi na chakuti ŵa gulu likuru la ŵapharazgi mu Chicago dazi linyake, ndipo nkhasimikizgira icho mpaka iwo wose ŵakachemerezga kwa yumoza na munyake. Sevente ŵa iwo ŵakwiza kuzakabapatizika mu Zina la Fumu Yesu.

¹⁴⁴ Ndipo mbewu ya serepente yiri kuŵako kufumira mu Genesis! Usange serpente nthu...usange iyo wakaŵavye mbewu, ipo Khristu wakababika yayi; chifukwa Iyo wakati, "Ine nditiŵikenge urwani pakatikati pa Mbewu yako na mbewu ya serepente." Ndipo usange mbewu ya serepente yikaŵa chidokoni nthaura Khristu wakaŵa chidoni nayoso, nthaura Mpingo ndi chidokoni, wonani ndi vyose, imwe mungapatula yayi ichi. Serpente wakaŵa na mbewu, ndipo icho ndi cheneicho nadi chikuŵatimbanizga iwo. Ntchifukwa uli ŵakupulikiska yayi ichi? Chifukwa iwo ŵaliye uvumbuzi wa ichi.

¹⁴⁵ Ntchifukwa uli iwo ŵakwiza yayi na kuzakasuskana nane ichi? Gome ndakujurika nyengo yose, ine ndikumanenge na waliyose. Ine nisuskanenge nawo yayi iwo, kweni mwakusimikizga ine nidumbiranenge nawo ichi, usange iwo ŵakukhumba...Ine nkhaŵafumba iwo nkhanira kula panthazi pa gulu. Ine nkchukhumba kuti ŵanyake ŵa imwe kuti ŵandiphalire ine apo ili likunangiska! Rekani kuyimirira kuseri pa kona na kuyowoya za ine, za ichi, zanginge pakweru ndipo simikizgirani. Tiyeni—tiyeni tiŵe nako kweneko, tiyeni tifiye kuno ndipo tiwone uyo ndi muneneska na mutesi pa ichi. Kweni iwo ŵangachikhwaka yayi ichi. Mu unenesko, iwo ŵakumanya makora. Mukuwona?

¹⁴⁶ Chifukwa, ndine yayi, kweni ndi Mzimu Mutuŵa, Mungelo mweneyura wa Chiuta uyo imwe mukuwona. Mukuti uli za mazuŵa agha kuno apo vinthu vyose ivi vikuchitika, ndipo

Mungelo uyu wa Fumu wayimirira kufupi? Ine ningavimanya yayi vinthu ivi, kweni ndi ora, ichi chiri apa. Para ise tamalizga Mizimu seveni iyi, masengwe seveni, na vinthu, muhanyauno, usange Fumu yazomerezga, imwe muwonenge apo ichi chiri. Ili ndi—ili ndi ora ilo ise tikukhalamo kuti mauvumbuzi agha ghakwenera kuti ghafike. Ndi Buku la mauvumbuzi, kuvumbukwanga kwa Yesu Khristu. Ndipo ise tanguwona, chipatulo chenechira chakudankha, Iyo wakavumbura icho Iyo wakaŵa. Ndipo sono Iyo wakutora Vididimizgo Seveni, kuvumburanga umo Iyo wakawomborera charu chapasi.

¹⁴⁷ Ndipo chimoza cha ivi chikaŵa kwizira mu Zina la Yesu Khristu. Chimoza chinyake chikaŵa kufumiskangamo wofi mu ŵanthu, ngati: Muyirayira, uwombozi Wamuyirayira, kurunjiskika mwa chipulikano, kutuŵiskika, ubapatizo wa Mzimu Mutuŵa. Ndipo vichi? Kuti ise ndise ŵakuvikiririka Muyirayira, kufumiskako nkhayiko zose ku ŵanthu. Usange imwe muli nacho chikhole cha chiponosko chinu, Chiuta wali kumudidimizgani kale imwe kufika ku dazi la uwombozi winu. Ŵaefeso 4:30 wakuti:

...ntha mungakwenyerezganga Mzimu mutuŵa wa Chiuta, mwa weneuwo imwe mukadidimizgikira kufika ku dazi la uwombozi winu.

¹⁴⁸ Sono, kasi imwe muchitenge uli—kasi imwe mumuwererenge uli kumanyuma? Imwe panyake mungawerera kumanyuma, kweni imwe mungatayika yayi. Ndipo usange imwe mukukhalirira mu kaŵiro kala, ichi chikawoneska kuti imwe mukaŵavaye Ichi mu mtendeko. Kweni usange iwe ndiwe mwana wa Chiuta, “Wakusopa para watozgeka walije kapulikiro ka kususkika ka kwananga,” wakuti Ŵahebere. Uwo mbunenesko. Ntheura imwe ntha—imwe mungaŵa yayi Mukhristu, imwe mungaŵa yayi na Mzimu Mutuŵa na kuruta kuwaro na kukakhala mu charu. “Usange imwe mukutemwa charu, vinthu vya charu, chitemwa cha Chiuta ntha chiri mwa imwe.” Ntheura imwe mukutegherezga waka ku saundi yautesi kumalo kunyake, devulu wamupangiskani waka kunyada imwe. Kweni usange imwe mungausanda umoyo winu mwa Mazgu gha Chiuta ndipo ichi chikuwoneska kuti imwe mukukhala nkhanira mu mapeji ghara gha Baibolo, ntheura imwe muli nacho chivikiro cha Muyirayira.

¹⁴⁹ Ndipo paliye chirichose chakuti muwopenge. Icho Chiuta wakalayizga, Chiuta wachitenge ichi. Ine nkhumulangura munthu waliyose kuti watore icho. Imwe torani waka icho ndipo yendani na Mazgu ghara, ndipo wonani icho chikuchitika kwa imwe. M’bale, Ichi chikwaniriskikenge chirichose, Chiuta wakayowoya ntheura. Chirichose icho Chiuta wakalayizga, ichi chichitikenge.

¹⁵⁰ Ine...Pakuŵa kuti ine nkhamuphalirani imwe kuti

ntchito yane yikayamba, apa ndi pafupifupi virimika fifitini kuzingiriranga na kuzingiliranga charu, ndipo nthā nyengo yimoza Ichi chikatondekapo. Chifukwa? Chifukwa, mwakusimikizga, ine nkhayimirira pa phangano la Chiuta. Ine nkhamanya kuti Uwu ukawa Unenesko. Ntha munganizomerezganga ine kuti niyezge kumuphalirani imwe kuti ichi ndi vinjeru vyane vinyake vikuru, kweni Yumoza Mweneuyo wakavumbura visisi vya mtima ndi Yumoza mweneyura wakandiwoneska ine mu Malemba. Chifukwa ine nthā nanga...para ine nkhati nayamba kupharazga pakudankha, pafupifupi virimika sate vyajumpha, Ine nkhatitanga kupempha chibwezi chane chikhale apo na kuwazga Baibolo. Ine nkhatondeka nanga nkhuwazga Ili, kwambura masambiro ghakukwanira. Mlongosi Wilson, iwe ukwenera kuti ukukumbukira icho para Hope wakachitanga kuniwazgira Baibolo ine kumanyuma kula, wakakhala na kuwazga Ili, ndipo ine mbwenu nkhayowoyanga kuti, “Pulikani icho Ili likayowoya, chitani waka icho Ili likuyowoya. Ndicho chekha ine nkhumanya kumuphalirani imwe.” Ndipo wose awo wakachita ichi, chifukwa, iwo wakavwirika. Mbwenu kwamara. Ine mbwenu—ine mbwenu . . .

¹⁵¹ Iyo mbwenu wayowoyenge, “Chiuta wakatemwa chomene charu kuti Iyo wakapereka Mwana Wake yekha wakubabika.”

Ine mbwenu nkhati, “Kasi mbalinga wakugomezga Ichi?” “Wazga lakurondezgako, wakutemweka.”

“Wakapereka Mwana Wake yekha wakubabika, waliyose uyo wakugomezga pa Iyo wali na Umoyo Wamuyirayira.”

Ine nkhati, “Kasi mbalinga wakugomezga Ichi? Imwe mukupulika icho Ili likayowoya.” Ine nkhatondekanga kuwazga Ili ndamwene.

¹⁵² Ntheura, wonani, ine nkhaŵavaye nthowa yakusambira ku sukulu. Kwani, o, ine nkhuitemwa sukulu yira iyo ine nkharutako! O, kumanyuma uko mu mphanji yichoko kumalo kunyake, mawoko ghane muchanya kwa Chiuta, zuwa kufuma ndipo zuwa kunjira kuwaro ngati ntheura, para Mzimu Mutuwa wakiza mu chimwemwe Chake ndipo wakayamba kujivumbura Iyomwene, na kuti, “Ichi ndi icho, ndipo icho ndi icho.” Ndipo nthā nyengo yimoza munthu munyake, chilengiwa cha mtundu uliwise, wali kuwapo na nkhangono kuwika mawoko ghake pa chirichose cha Ichi. Ndipo na ntchindi za kunyanyira kose na chinyake chirichose icho chikayenda mu charu, Chiuta wali kuchikwezga Ichi muchanya na chakuphotoka, ndipo watuma Ichi kuzingilira na kuzingilira charu. Aléluya! Ise tiri mu nyengo yaumaliro, wabale. Ise tiri kuno ku nyengo yaumaliro. Mbwenu kwamara. “Kuzamkuwa Kuwara mu nyengo yakumise.” Icho ndendende ndicho Iyo wakayowoya.

153 Sono, ili ndi Buku la Chivumbuzi, Chiuta kujivumburanga Iyomwene. Ndipo sono kwizira mu vyamchindindi vikuru ivi, Iyo wakuvumbula Zina la Fumu Yesu Khristu mu ubapatizo, Iyo wakuvumbura kuti kulije chinthu ngati Gehena Wamuyirayira (wangaŵako yayi, mulije Lemba mu Baibolo ilo likuyowoya kuti kuli chinthu chantheura).

154 Sono, kuli gehena, ndipo kuli nyanja ya moto, na uko ŵaheni ŵakukalangika, kweni ivi paumaliro vikuwotcheka. Panyake virimika teni handiredi miliyoni, kweni ivi paumaliro vikuwotcheka. Chifukwa imwe mungaŵa yayi na Umoyo Wamuyirayira pekhapekha imwe ndimwe ŵakuponoskeka. Ndipo usange imwe muphyenge Muyirayira, imwe mukwenera kuŵa na Umoyo Wamuyirayira. Chifukwa, mamanyiro wamba ghangamanya kumuwoneskani imwe icho. Mukuwona? Kasi imwe mungaŵa uli na Wamuyi-...? Kasi mbalinga ŵakumanya kuti para muli na Umoyo Wamuyirayira imwe ndimwe ŵakuponoskeka? Enya, usange imwe muphyenge kwa Muyirayira, kasi imwe nthā mukhumbikwenge kuti muŵe na Umoyo Wamuyirayira kuti muchimanye ichi? Ntheura, wonani, ichi nthā chikuwoneka nanga ndi chazeru. Mukuwona?

155 Sono, “chivikiliro.” Iwo ŵeneawo Iyo wakaŵamanyirathu, Iyo wakaŵachema; iwo ŵeneawo Iyo wakachema, Iyo wali kuŵarunjiska; iwo ŵeneawo Iyo wali kuŵarunjiska, Iyo wali kuŵatuŵiska kale. Paulos wakatiphalira ise, mu chipatulo 1 cha Ŵaefeso, kuti “Chiuta, pambere charu chindaŵeko, wali kutisankhirathu ise kufika ku kukhazikiskika kwa ŵana kwizira mwa Khristu Yesu.”

156 Yohane wakatiphalira ise umu mu Chivumbuzi, kuti “Murwani mu mazuŵa ghaumaliro, murwani yura msopisopi, wanjirenge pakati pa ŵanthu na kuŵa na mabungwe na vinyake nthēura, na magulu na vinyake nthēura,” umo iwo ŵaliri navyo muhanyauno, “ndipo wangapuruska Ŵakusoreka usange ichi chingaŵa chamachitiko, ndipo mbwenu wapuruskenge *wose* awo mazina ghawo ghakalebeka yayi mu Buku la Mwanamberere Wamoyo kufumira ku mtendeko weneula wa charu.”

157 Mphauli apo zina linu likalebeka mu Buku la Mwanamberere Wamoyo? Pambere charu chindaŵeko. Kasi Khristu wakakomeka pauli, virimika nayintini handiredi vyajumphā? Yayi, bwana. Pambere charu chindaŵeko. “Mwanamberere wakukomeka pambere charu chindaŵeko.”

158 Mukuwona icho ichi chikuchita? Ndi vididimizgo ivi vikuvumbukwa, tayamba waka kuvumbura ndondomeko ya uwombozi, umo Iyo wakachitira ichi. Chose chamara sono, kwakhala waka—chakhala waka pafupi kumalizgika. Ntheura ise tiri ku nyengo yaumaliro. Ntheura ndicho chifukwa—vinthu vikuvumbukwa. Viri makora.

¹⁵⁹ Sono, wa Pachibale withu wapika Buku la vididimizgo seveni vya uwombozi kufuma ku Mweneko wa pakudankha. Mweneko wa pakudankha... Para ise tikati tataya ili mu munda wa Eden, kwizira mwa Adam, ili likawerela ku Mweneko wa pakudankha. Kweni pali kuwa munkhungu pa charu, wakuphanga, ndipo uyo ndi Satana; iyo wakwiza, iyo ndi munkhungu. Charu ichi ntchake yayi; ntcha Chiuta. Kweni iyo ndi munkhungu, wakuphanga. Munthu, umo ine ningayowoyepo chinyake sono nthena, kweni ntchiweme ine nireke. Ndi chikalata cha umwini cha uwombozi withu, Buku ili la vididimizgo seveni. Ndi chikalata cha umwini. Imwe lindizgani mpaka ise tifike mu Vididimizgo vira!

¹⁶⁰ Iyo wakumasura vididimizgo, wakuvumbura, wakutipa ise chiharo Chake ku wanthu Wake. Iyo wakupereka chiharo icho Iyo wakahara, kuzgoka Muwomboli wa Pachibale, ndipo kwaulere wakupereka ichi kwa ise. Chose chikaŵa cha Iyo. Iyo wakawâ yumoza Mweneuyo wakawombora. Kweni m'malo mwakusunga ichi Iyomwene, Iyo wakupereka ichi ku wanthu. Icho ndi chitemwa Chake pa ise. O!

¹⁶¹ Satana, musungiliri wa ichi sono, wakuphanga, iyo paumaliro... Iyo wakukhumba yayi kuti wapereke ichi nkhanira mwaluŵiro, ise tikusanga umu mu kanyengo kachoko kunthazi mu Malemba, ine nkughanaghana ndi kudera uku mu chipatulo chinyake. Ndipo iyo wakakhumba yayi kuti wapereke ichi nkhanira penepapo, kweni iyo wakachita kurwira ichi. Kweni, paumaliro, para iyo wakati wafika ku chiwoneskeru, iyo wakaponyeka mu nyanja ya moto. Uwo mbunenesko.

¹⁶² Yesu, Zina la *Yesu* mu Maivangeli liri na maudindo ghanayi gha "Mwana." Kasi imwe mukamanyanga icho? Yesu wali na maudindo ghanayi ngati *Mwana* mu Ivangeli. Umoza wa igho ndi "Mwana wa David"; umoza wa igho ndi "Mwana wa Abraham"; umoza unyake, "Mwana wa munthu"; umoza unyake, "Mwana wa Chiuta."

¹⁶³ Sono, wonani. Para Muwomboli withu wa Pachibale wakati wazgoka Yesu Khristu, Iyo wakazgoka kuwa Mwana wa David, cheneichio ndi Muhaliri ku chizumbe. Uchindami! Iyo wakahara chizumbe pakuwa Mwana wa David. Chiuta wakayowoya kumanyuma kula kuti Iyo wazamkumuleka yayi David, "ntha kumuleka yayi David kwambura mbewu." Ndipo Khristu ndi Mwana wa David. Ndipo Iyo wakazgoka Muwomboli withu wa Pachibale, ndipo wakulindizga, wakunozgera malo uko Iyo wangawusa pamoza na se. Ngati Mwana wa David Iyo ndi Muhaliri ku chizumbe.

¹⁶⁴ Ngati Mwana wa Abraham, Iyo ndi Muhaliri ku chawanangwa chaufumu. Amen. Mbunenesko uwo? Iyo ndi Muhaliri ku chawanangwa cha ufumu (Amen!), Palestina na

chose icho chiri mwa iyo, “ndi Mbewu ya Abraham.” Iyo wakaŵa Mwana wa Abraham.

¹⁶⁵ Ngati Mwana wa munthu, kasi wakuchita vichi Mwana wa munthu. . . Kasi munthu wakataya vichi? Iyo wakataya charu chapasi. Ntheura ngati Mwana wa munthu Iyo ndi Muhaliri ku chirichose mu charu chapasi. Chose icho Iyo wali nacho ndipo Iyo wakwenera kuti wawezgereske ichi kwa ise, ntheura Iyo wakwizaso ngati ndiumo Iyo wakaŵira. Iyo ndi. . .

¹⁶⁶ Sono, ntheura, ngati Mwana wa Chiuta Iyo wakuhara vinthu vyose. Ngati Mwana wa David Iyo ndi Muhaliri ku chizumbe, ngati Mwana wa Abraham Iyo ndi Muhaliri ku chawanangwa, ngati Mwana wa munthu Iyo ndi Muhaliri ku charu chapasi, ngati Mwana wa Chiuta Iyo ndi Muhaliri ku vinthu vyose Kuchanya na charu chapasi. O, mwe! Uyo ndi Muwomboli withu, Muwomboli withu wa Pachibale.

¹⁶⁷ Sono, wonani! O, ichi chikundichitira makora chomene ine. Uku ndiko ine—ine nadi nkhusanga uryeru. Sono, zomerezgani mitima yinu yimasuke kwa Chiuta pa maminiti ghachoko waka. Tegherezгани ku ichi.

¹⁶⁸ Satana ndi munkhungu, iyo nthā wali nacho ichi mwakuzomerezgeka na dango, ndipo iyo wali kuŵa na virimika thu sauzandi vya kususkana kwali iyo ntchake ichi panji ichi ntcha munyake. Kweni Khristu wakiza ngati Muwomboli wa Pachibale ndipo wakawezgereska ichi kwa ise. Kweni Satana wakusungilira ichi. Kweni, imwe mukumanya, para pajumphā kanyengo (mbembe yikuru iyi yimarengo) iyo wazamkuponyeke mu nyanja ya moto. Mukuwona? Iyo wazamkuparanyika, na wose awo ŵakusopa pamoza na iyo. Kweni ŵahaliri ŵa chiponosko ŵazamkwiza pamoza na Khristu. Sono, iyo ndi munkhungu.

¹⁶⁹ Sono, kumbukirani, mu Chipangano Chakale, usange—munthu wakataya chiharo chake ndipo munkhungu wakiza pa malo ghake, iyo nthā wakakhalira nacho ichi mpaka kalekale kufuma ku mweneko mpaka virimika fifite. Para virimika fifite vyajumphā, chirimika—chirimika cha Chikondwerero chikiza. Ndipo chirimika cha Chikondwerero, para chirimika cha Chikondwerero chikati chafika, ntheura chirichose chikawerera ku wake wa pachiyambi kamosaso. Ŵazga wose, iwo ŵakawerera ku chiyambi cha pakudankha. Usange munthu wakalimanga mu munda ndipo mbata yikalira ndipo iyo wakayipulika iyi, iyo mbwenu wakaponyanga jembe pasi na kuti, “Ine ndineso muzga yayi, ine nkhuwerera kunyumba ku banja lane.” Chirichose chikawezgereskeka. Usange munkhungu wakaŵa pa malo, iyo wakayenera kuti wafumepo pa malo. Mbwenu kwamara. Iyo wakafumapo pa malo chifukwa chavichi? Mweneko wakuzomerezgeka na dango wakizanga. Iyo wakayenera kuti wachiwezgereske.

170 Aleluya! Limoza la mazuwa agha maufumu gha charu ichi ghazamkuwa, ndipo weneneko wakuzomerezgeka na dango wazamkwiza limoza la mazuwa agha. Amen.

171 Sono, yikawapo nyengo apo ichi chikawa mu mukangano. Kufumira pa dazi la nambala fote, kufumira pa dazi lakudankha la kutozgeka kwa malo ghakupatulika, panji para Khristu wakati waruta ku Mphinjika, pakawa mazuwa fote kufika ku chikwera. Ichi chikawa mu kususkana, kwali gulu la Satana lichitorenge ichi na kuyowoya kuti Iyo wakauka yayi ku wakufwa. Iwo wakayamba chipharazgo kuwaro kula na kuyowoyanga kuti, wakati, “Ndi wasambiri wakiza ndipo wakamwiba Iyo mu usiku.” Imwe muli kuwazga Baibolo, “Ndipo iyo wakayowoya kuti ‘Wake—wanthu Wake wakiza ndipo wakamwiba Iyo mu usiku.’ Ndipo waka walipira ndalama wasirikali kuti wayowoye icho.” Kweni ichi chikawa mu kukayikiska nyengo yira, waliyose waka wa mu kukayika.

172 “Enya, nadi, panyake ichi nadi ntcha ku bungwe, nyengo yira, chinthu chose ntcha ichi.”

173 Kweni pa dazi la nambala fifite lika wa Dazi la Pentekosite, ndipo Mweneko wakuzomerezgeka na dango wakiza pakati pawo (Aleluya!) ndipo wakawoneska kuti lika wa bungwe yayi. Kutu ichi chika wa kuzuzgika na Mzimu Mutuwa. Chira chika wa chikhole cha ndalama cha Chiuta ku Mpingo Wake kuti uwu ntha uzumulamulirika na mabungwe na vinyake ntheura, ichi chizamkuwa chikhole cha ubapatizo wa Mzimu Mutuwa na nkhongono na chitemwa cha Chiuta. Amen! O, kasi icho chikuchita waka chinyake yayi kwa imwe? Mweneko wakuzomerezgeka na dango! Kasi ichi chika wa nkhu? Mu mawoko gha Chiuta. Ndipo pa . . .

174 Wonani, iyo ntha wakasungilira ichi kujumpha madazi fifite. Imwe muka wazge icho mu—mu Leviticus—mu Leviticus, mu—mu marango kula. Ili likayowoya kuti iwo ntha . . . mweneko wa pakudankha. Ichi chikenera kuti chiwerere mu mawoko gha mweneko wa pakudankha para pajumpha virimika fifite. Ise tose tikumanya icho. Imwe muli kuwazga icho nyengo zinandi, kweni . . . wonani, “Chikayenera kuti chiwerere kwa mweneko wa pakudankha para pajumpha kuti virimika fifite.”

175 Enya, ntheura, para pajumpha agha mazuwa fifite-virimika, chirimika chimoza . . . dazi limoza kung’anamuranga ngati chirimika. Ndipo kufumira pa dazi apo kupayikika para iwo wakati watora . . . Muwomboli uyu wa Pachibale ndipo wakamukoma Iyo pa—pa dazi la Pasaka, ichi chika wa mu mukangano nyengo yira. Mpingo ukagomezga kufika ku nyengo yira kuti Iyo waka wa Muwomboli wa Pachibale, “Iyo waka wa Muwomboli.” Ntheura kasi ichi chikachita vichi? Ichi chikamukoma Iyo, murwani wakachita, ndipo wakayowoya kuti iwo wakatora thupi Lake ndipo waka libisa ili kumalo kunyake.

Ndipo chose chira chikaŵa mu kukayikira kwa ŵanthu, “Kasi kukachitika vichi kwa Iyo? Kasi kukachitika vichi?”

¹⁷⁶ Sono, pa umaliro wa dazi la nambala fifite, ntheura, imwe wonani, ichi ntha chikaŵaso mu mkangano munthwa yiriyose. Ntheura, Chiuta . . . M'malo mwa iwo kuti ŵarutirire—ŵarutirire na myambo yakale, ŵanonono, mpingo wakuzizima; Chiuta wakatuma Mzimu Mutuŵa, wakachimbizga ŵankhungu wose, ndipo ntheura wakatora ulamuliro wa ichi. Nkhongono ya Mzimu Mutuŵa yikiza ndipo Mpingo ukapokera chikhole cha chiponosko chake.

¹⁷⁷ Sono, ŵabale, ntha kuti nipweteke kapulikiro kinu panji chinyake chirichose za ichi, usange bungwe likueneska ndipo imwe ndimwe waka ŵa Katolika mwa bungwe, imwe ndimwe wa Baptist mwa bungwe, imwe mwatayika. Wonani, chikhole cha chiponosko chithu ntha chikaŵa kujoyinanga mpingo, chikhole cha chiponosko chithu ntha chikaŵa kuŵanga wa bungwe linyake. Chikhole cha chiponosko chithu ndi ubapatizo wa Mzimu Mutuŵa kwambura bungwe lililose! Amen.

¹⁷⁸ Iwo ŵakasungilira yayi icho, kujumpha dazi lira la nambala fifite, chifukwa lira likaŵa dazi la Chikondwerero penepapo chirichose chikawerera ku chiyambi chake cha pakudankha. Ndipo—nkhongono ya Chiuta yikawezgereskeka ku chiyambi chake, dazi la nambala fifite, chirimika cha Chikondwerero penepapo vinthu vyose vikawezgereskeka.

¹⁷⁹ Sono, kuzamkwiza chirimika chinyake cha Chikondwerero ndipo, kuti, ise tikaŵa nacho ichi pafupifupi waka nyengo iyi. Usange imwe mwanguwona, Pentekosite wakhala wakupunguka mu America pafupifupi virimika fifite, malo ghanyake pa nyengo yira. Pafupifupi waka virimika fifite vyajumpha Pentekosite wakayamba kupunguka. Sono icho chikuchitika, mpingo ukupokera Buku la vididimizgo seveni wa uvumbuzi wa Yesu Khristu (wa Vididimizgo Seveni) ndipo ntha yumoza pa teni ŵa iwo ŵangaupokerera Uwu.

¹⁸⁰ Kweni para imwe mukwamba kuwona chirimika cha Chikondwerero uko ise ntha tikwenera kuti tikanganenge na kulimbana na kuguzana ngati ntheura, kweni ise ndise ŵakuvikiririka kale mwa Khristu! Ise tiri kale na Zina la Fumu Yesu Khristu mu ubapatizo. Ise tiri na vyamchindindi vikuruvikuru vyose ivi ivyo ise tivirongosorenge mu Vididimizgo Seveni ivi, na kusimikizgira kwa imwe kuti vira vikaŵa vididimizgo ivyo vikabisika ku maso gha ŵanthu. Vya Chiuta pakuŵa movwiri wane, ine ndisimikizgirenge kwa imwe kuti iwo ŵakatondeka kuchiwona Icho kwizira mu Baibolo (Ntheura, mwakusimikizga, usange Baibolo likayowoya ntheura imwe muzamkugomezga ichi.), kuti iwo ntha ŵawonenge chinyake kweni “Dada, Mwana, na Mzimu Mutuŵa” kufika ku nyengo iyi. Iwo ŵakatondeka kuwona kuti kukaŵavye

gehena Wamuyirayira, kufika ku nyengo iyi. Iwo wakutondeka kuwona kuti kukaŵa chivikiriro cha Muyirayira cha-...Ine nkhang'anamura cha wakugomezga mweneko. Nkhumanya, pali kuŵa munyozo wa ichi ulendo wose, kaliriro kambura kumanyikwa ako iwo wakaperekanga. Ndicho chifukwa ŵanthu...Iwo wakuti, "Chifukwa, ŵawoneni ŵa Prezibetere ŵara na ŵanyake ntheura, wakukhweŵa, wakumwa, na chinyake chirichose, ndipo wakuyowoya kuti iwo ŵali nacho chivikiriro cha Muyirayira." Enya, kweni, imwe wonani, uko ndi—uko ndi kukhankhira kumphepete Mbata yeneko.

¹⁸¹ Tiyeni tifufuze kumanyuma Uku ndipo tifufuze kwali Mbata yikulira, usange imwe ntha muwerenge kwathunthu ku Genesis kufika ku Chivumbuzi, kumanyuma na kunthazi, para chididimizgo ichi chajurika; wonani, vinthu ivi vikuvumbukwa.

¹⁸² Sono, o, m'bale! Ine naghanaghananga kuti ine nichtenge waka...Ine niurekezungenge waka uwu mpaka nyengo yinyake para ine nafika kuno. Ine nichali na mapeji pafupifupi sikisi apa; panji—panji, ok, yayi, ise tiwenge na chisopo cha ubapatizo. Rekani ine ndiŵazge ichi, vingapo vya vinthu vichokovichoko ivi nkhanira apa, chirimika cha Chikondwerero. Viri makora.

¹⁸³ Sono, imwe—imwe mose mukulemba Malemba? Mu Yeremiya 32, ndipo tiyambire vesi 6 usange imwe...ndipo para imwe mwakafika kunyumba, mukukhumba kuti mukaŵazge ichi. Sono, Yeremiya, kuti imwe muchiwone icho pepala lakuzingika ili likung'anamura, ine nifumiskengeko ichi. Tiyeni titore pepala lakuzingika, munthowa yiriyose. Icho chindipasenge ine pafupifupi maminiti ghanyake teni, gha pepela lakuzingika. Sono, imwe kumbukirani, Buku ili likadidimizgika. Sono, buku mu nyengo za Baibolo ntha likaŵa buku la makona ghanayi ngati *ili*. Likaŵa buku ngati *ili*, ilo likachemeka buku, "pepala lakuzingika." Kasi mbalinga wakumanya icho? U-huh. Nadi, likaŵa pepala lakuzingika. Viri makora.

¹⁸⁴ Sono, ili—Buku ili likadidimizgika na vididimizgo seveni. Sono, Ili likaŵa Baibolo ndipo Ili likadidimizgika na vididimizgo seveni. Ndipo sono wonani umo ichi chikachitikira.

¹⁸⁵ Yeremiya, para iyo—para iyo wakati waŵenge...iyo wakachima kuti iyo wazamkutoreka. Mu Yeremiya sono, chipatulo 32. Iyo wakati wazamkutoreka mu umikoli kuruta kusika ku Babulone, iwo ŵamkuŵako kusika kula virimika sevente. Iyo wakachima ichi. Ndipo imwe mukuŵazga Baibolo muli kuŵazgapo ichi nyengo zinandi. Ndipo iyo wamkuyeghekerera kusika kula pa virimika sevente. Ndipo iyo—iyo wakaŵa wa pachibale wapafupi chomene ku muvyara wake uyo wakaŵa chipondi. Muvyara wake (H-a-n-a-m, ma e ghaŵiri, l) Hanameel, Hanameel, Hanameel, iyo wakaŵa... wapachibale wakurondezgako. Ntheura kuti iyo wakamanya kuti—kuti

murwani wasungilirenge—wasungilirenge—mapepala na vinyake nthaura vya malo ghake, kweni para . . . Iyo wakamanya kuti Chiuta wangaŵareka yayi ŵanthu Ŵake, nthaura para iwo ŵakati ŵawerako, mwakuti iyo wangamanya kuŵa na kuŵa mweneko wakuzomerezgeka na dango ku chiharo, apa pali icho iyo wakachita: iyo wakaŵa na chose ichi chakujambulika.

¹⁸⁶ Kasi mbalinga ŵali kuŵazgapo ichi? Viri makora, imwe muli kuŵazga ichi, imwe muli kuŵazgapo kale ichi. Viri makora. Sono, iyo wakatora ndipo wakazinga ichi ndendende ngati ndiumo mapepala ghakuzingika agha ghakazingikira uku. Ichi pafupifupi ntchakutowa, chinthu chapachanya icho imwe muli kuchiwonapo.

¹⁸⁷ Sono, ine niyezgenge kumuwoneskani ichi na chiduswa ichi cha pepala, ine nkhumanya yayi kwali ine ningachita panji yayi. Sono, apa pali umo ichi chikalembekera, ngati *nthaura*. Sono, iyo wakalemba ichi ndipo iyo wakazinga ichi ngati *nthaura*, wakazingira pasi. Sono, icho chikachitika, pa chirichose cha vididimizgo ivi mukalembeka vya chiharo chake na icho chikachitika, na wose awo ŵakiza panthazi pake na umo iyo wakizira kuzakahara ichi. Ichi chose chikadidimizgika ngati nthaura.

¹⁸⁸ Sono, umo ndimo Chiuta waliri na Buku Lake la vididimizgo seveni. Sono, umo Iyo wakumatulako ichi, uvumbuzi ula ukwiza ukuruta kumanyuma ndipo ukwenda ulendo wose kuzingilira kuruta kuwano kwa Buku. Ndicho chifukwa imwe mungamanya kutora Zina la Yesu Khristu na kwenda nawo Uwu kufuma ku Genesis kufika ku Chivumbuzi na kumuwoneskani kuti kulije chinthu ngati “Dada, Mwana, na Mzimu Mutuŵa.” Mukuwona? Wonani, uwu ukuruta ulendo wose mu Baibolo, Uwu ukuvumbura ichi.

¹⁸⁹ Nthaura imwe mutore ngati, “Kuli gehena Wamuyirayira.” Imwe mukumaturako icho ndipo mukwenda nacho ulendo wose kuzingilira; nth wakaŵako gehena Wamuyirayira chifukwa mu mtendeko Chiuta wakayowoya kuti gehena *wakalengekera* devulu na ŵangelo ŵake, ku chilango chawo chakunthazi. Nthaura usange gehena ndi Wamuyirayira, kasi uyu wakawa uli wakulengeka? Lizgu lakuti chakulengeka nth. . . Lizgu lakuti *Muyirayira*, “nth likayamba ndipo nth lingamara.” Ipo nyengo zose kukaŵa gehena usange gehena ndi *Wamuuyirayira*, “kukaŵa gehena nyengo zose, nyengo yeneyira para kukaŵa Chiuta kukaŵa gehena, pambere kundaŵeko kwananga kulikose kula kukaŵa ndithu gehena.” Huh! O, mwe! Wonani, imwe mungapanga yayi ichi.

¹⁹⁰ Nthaura imwe muwone apo vinthu ivi vikujivumbulira ivyovyene, ichi chikwenda kuruta nkhanira kumanyuma ndipo chikujura Buku. Nthaura sono ichi mwakufikapo chikupereka chithuzithuzi cha Baibolo lose, na vididimizgo

ivyo vyabisa Baibolo ku maso gha wâvinjeru na wâmahara. Chiuta, mwa Mzimu Mutuwa, wakujura ivi ngati ntheura ndipo wakuavumbura ivi nkhanira kuzingilira mu Baibolo. Uchindami kwa Chiuta!

¹⁹¹ M'bale, ine nkhekuphalira iwe, icho chikupangiska waka ghane—matumbo ghane kuvunduka. Mukuwona? Mukuwona? Sono, laŵiskani kuno! Wonani, ichi ndi—ichi ndi chidi... ngati... Imwe mukupulikiska icho ine nkhung'anamura? Wonani, ichi chiri apa, chididimizgo. Sono, usange imwe mukulaŵiska na kuwazga apa, rutani kwa Yereimiya ndipo imwe muwone umo iyo—iyo—iyo—iyo wakadidimizgira ichi.

¹⁹² Sono, apo pali Buku, ili liri kulembeka mkati mula. Sono, nkhanira pa nyengo ya uvumbuzi wakudankha, ntheura Iyo wakujura chididimizgo ichi. Sono, imwe lindizgani ndipo muwone kasi chididimizgo chakudankha chira chikaŵa chivichi para ise tafika ku Vididimizgo. Ntheura nyengo ya chididimizgo chachiwiri, Iyo wakumasura chididimizgo chakurondezgako. Ndipo kasi imwe mukumanya apo ise tiri? Ise pafupifupi tiri pa chididimizgo cha nambala seveni sono nthena. Ndipo para cha nambala seveni . . .

¹⁹³ Para chididimizgo chakudankha chikati chajurika, mbata yakudankha yikalira ndipo chilengo chakudankha chikiza. Para chididimizgo cha nambala sikisi chikati chajurika, ya nambala sikisi yikalira ndipo chilengo cha nambala sikisi chikiza. Chiwoneni waka ichi, ndi chinthu chakutowa chomene icho imwe muli kuchiwonapo. Ndipo para ine nachita, ine nijitorerenge ndamwene likuru, bolodi likuru chomene, kwiza nalo kuno na kusambizgira waka ichi apa, mwakuti ise titore waka nyengo yinandi pa chididimizgo chirichose na kuruta kumanyuma na kutora mudauko na vinthu, na kusimikizgira waka apo ichi chikachitikira, na kumuwoneskani nkhanira umu mu Baibolo para Ili likayowoya apo ichi chizamkuchitikira, ndipo nkhanira ndendende para ichi chikati chachitika, nkhanira deti na chinyake chirichose. Ine nkhapokera ichi, amen, nkhapokera ichi kufuma kwa Iyo. Uwo mbunenesko. Apo pali vididimizgo.

¹⁹⁴ Sono, para Yereimiya wakati walemba buku ili, likadidimizgika... Apa pali chinthu chiweme icho ine nkukhumba kuti imwe muchiwone, mose imwe mwaŵeneimwe mukuwazga ichi, kuti buku lira likadidimizgika... Sono, kumbukirani, iyo wakati waŵenge kuti waruta. Iyo wakachima. Sono, iyo wakachimanya yayi ichi, kweni kwizira mu uchimi pera. Kasi imwe mukundirondezga ine? Kwizira mu uchimi iyo wakamanya, kwizira mu uvumbuzi wa Chiuta, kuti iwo wazamkuwa kuti wâli kuwaro kwa charu chira pa virimika sevente. Imwe mukukumbukira iyo wakuchima icho? Iyo wazamkuwa na virimika sevente, iwo wazamkuwa mu umikoli. Ntheura iyo wakakhumbanga kuti wamanyisiske kuti

chididimizgo ichi (kuti chiharo chake) chisungikenge, chifukwa iyo wakaŵa na... iyo wakahara chiharo chake cha muvyara wake. Ntheura iyo wakaŵa nacho chakulembeka makora, mwa dango. Ndipo kasi iyo wakachita vichi na ichi? Mwakuti ichi chingavundanga yayi panji kuchita murosiko, iyo wakaŵika ichi mu chiŵiya cha dongo; ndipo wakachiŵika patali ichi mwakuti ichi chireke kuvunda panji kuchita murosiko, kufikira kuti virimika sevente vira vikamara.

¹⁹⁵ Uchindami kwa Chiuta! Ine nkugomezga kuti imwe mukupulikiska ichi! Kasi imwe mukuwona icho Chiuta wakachita? Iyo ntha wakavumbura Ichi ku ŵavinjeru na ŵamahara (ntheura iwo nthena ŵakakangana za Ichi pa nyengo yose iyi), kweni Iyo wakaŵika Ichi mu Chiŵiya cha dongo ndipo Iyo wakajilengera Iyomwene Mwana Wake Yekha, Khristu Yesu. Ndipo mu nyengo yaumaliro iyi sono Iyo wakujura vididimizgo ndipo wakuwoneska ichi ku Mpingo Wake. Wakasunga ichi mu Chiŵiya cha dongo mwakuti Ichi chireke kuvunda panji kuchita murosiko! Aleluya! O! Ine nkhumanya imwe mukughanaghana kuti ndine mutuŵa-wakukunhuluka. Panyake ine ndine. Imwe mukuwona? Kweni Ichi chiri apo! Ichi chikasungika chakuzingika mu Chiwiya cha dongo icho chikawomboreka kufuma pa charu chapasi, chikiza pa mlenji wa Isitara uko vididimizgo vya nyifwa nthena vikarutirira yayi kumusunga Iyo; kweni Iyo wakadumura vididimizgo ndipo wakawuka, ndipo wakujisimikizgira Iyomwene mu mazuŵa ghaumaliro agha kuti Iyo ngwamoyo! Iyo wali mu Mpingo Wake! Iyo ndi mwenyura mayiro, muhanyauno, na muyirayira. Ndipo icho chiri kubisika ku maseminare, ichi chiri kubisika ku mabungwe.

¹⁹⁶ Ndipo mu mazuŵa ghaumaliro agha Iyo wakuvumbura Ichi kwizira mwa Kuŵapo Kwake Yekha pakati pa ŵanthu Ŵake. Iyo wakutora munyake uyo Iyo wangamanya kumugwiriska ntchito pa kufumiskamo charu mwa iwo na vinthu kufuma mwa iwo, kufumiskamo vyachitchalitchi mwa iwo, mwakuti Iyo wangamanya kuyowoya kwizira mwa iwo na kuvumbura vididimizgo ivi na kujura vididimizgo ivi ngati ichi Iyomwene. Mukuwona? Aleluya! O, kasi imwe mukumutemwa yayi Iyo? Mwe, mwe, mwe!

¹⁹⁷ Ndongomeko yithu ya chiponosko, yenyeyira sono yikuvumbukwa mwa Yesu Khristu. Kasi Iyo wakuvumbura uli mu mazuŵa agha ghaumaliro? Kwizira mu chididimizgo Chake chakujurika. Chifukwa, kulije... Imwe mukapulikapo yayi mu umoyo winu kuti ichi chikalembeka za Mbewu ya Abraham, umo iwo ŵakayendera kwizira mu kurunjiskika, kutuŵiskika, ubapatizo wa Mzimu Mutuŵa; umo kuti mungelo yura wazamkwiza mu mazuŵa ghaumaliro, wazamkurazgira msana wake ku gulu na kuyowoya nkhanira ndendende icho Sara wakaghanaghananga mkati mu mtima wake mkati, icho chikachitika yayi kufikira ku dazi ili, uwo mbunenesko, dazi

ndi ili; na chipulikano cha Abraham; na Zina la Fumu Yesu.

¹⁹⁸ Sono, chinthu chimoza apa, ine ndiri na vintu vinkhonde ivyo ine nkikhumba kuti ndiyowoye, pachoko chomene, mwaluwiro waka umo ine ningachitira. Wonani. Seveni. . . Kuli vididimizgo seveni, ndipo kuli maseveni fayivi mu ndondomeko ya Chiuta ya uwombozi. *Fayivi* ndi nambala ya “uchizi.” Kasi mbalinga wakumanya icho? J-e-s-u-s, f-a-i-t-h, fayivi ndi nambala ya uchizi. *Sikisi* ndi dazi la munthu, ndipo *seveni* ndi lake—dazi lake la uwombozi.

¹⁹⁹ Sono, wonani. Sono, muli vididimizgo seveni mu ichi, panji—panji masiteji seveni mu ndondomeko yikuru iyi ya uwombozi. Kuli seveni vichi? Vididimizgo seveni vya uwombozi, Mizimu seveni ya Chiuta. . . Ise tikusanga kuti, usange imwe mukukhumba kuti muwone usange ili likuti *Mizimu Seveni*, rekani ine ndiwone apa miniti pera, chipatulo 5, kuyambira pa vesi 6 ine nkugomezga, ise tikuwona apa, vesi 6:

Ndipo. . . wonani, ndipo, wonani, mkatikati mwa chizumbe na cha vikoko vinayi, na mkatikati mwa walara, mukayimirira Mwanamberere ngati kuti uyu wakakomeka, wakuwa na mitu seveni na maso seveni, gheneagho ndi Mizimu seveni ya Chiuta yikatumika mu charu chose chapasi.

²⁰⁰ Kasi mizimu seveni yira ndi vichi? Mathenga seveni ghara. Kuli Columba Mutuwa, na Irenaeus, na—na John Wesley, na Martin Luther, na wanyake ntheura. Wonani, “Mizimu seveni,” yeneiyo ndi wanarumi seveni (wangelo seveni), gheneagho ndi mauthenga seveni.

²⁰¹ Vididimizgo seveni, Mizimu seveni, wangelo seveni, masengwe seveni, na mipingo seveni. Wonani, waseni seveni, pali maseveni fayivi, cheneicho, *seveni* ndi “chakukwanira,” *fayivi* ndi “uchizi,” Uchizi wa Chiuta ku Miwiro Yake Seveni ya Mpingo. Wanthu Wake mathenga seveni, Mizimu Yake seveni ya Chiuta, ndondomeko zakunozgeka za vididimizgo seveni za uwombozi (ise tiri nkhanira mkati sono), *masengwe* seveni ghakung’anamura “miwiro seveni.”

²⁰² Chifukwa, *sengwe* likung’anamura “ufumu.” Imwe mukukumbukira mphumphu iyo yikiza pa chikoko (sengwe) mu Daniel, na kunyake ntheura? Wonani, ichi chikung’anamura ufumu, panji “miwiro seveni.” Ndipo, kumbukirani, Yesu wakati, “Wanji wakagona tulo mu ulinda wakudankha, muwiro umoza; umoza unyake mu ulinda wakurondezgako, muwiro wakurondezgako; wakurondezgako; ndipo wakurondezgako; kurutirira kufika ku ulinda wa nambala seveni. Ndipo mu ulinda wa nambala seveni Mwenenthengwa wakwiza, ndipo pamanyuma iwo wose wakawuskika.” Mukukumbukira icho?

²⁰³ Ntheura ndi seveni “miwiro” yika wa *masengwe* seveni, ndipo *mipingo* seveni, panji “seveni mauli-. . . maulinda

gha thupi la wákugomezga.” O, Ichi ntchakufikapo waka umo ichi chingaŵira. Yereimiya...Mwe, “Buku,” “miwiro,” umo ili likawomborekera! Umo...[Pa tepi palije kalikose—Munozgi]...nkhanira muno.

²⁰⁴ Cha seveni ndipo chaumaliro cha vididimizgo ivi, para ivi vyajurika, ichi chikusangika mu Chivumbuzi chipatulo 10, kukaŵa Mungelo mukuru (uyo wakaŵa Khristu) wakakhira ndipo wakaŵika rundi limoza pa charu ndipo limoza pa nyanja, ndipo wakakwezga muchanya woko Lake ndipo wakuti, “Dazi laruta. Nyengo yamara. Chose chamara. Nyengo yizamkuŵakoso yayi.”

²⁰⁵ Ndipo Iyo wakati, “Pa kubangura kwa...pa nyengo iyi, chamchindindi cha Chiuta chikwenera kufiskika.” Icho Chiuta wali na umo Iyo wakawonekera; uli para chididimizgo chira chikati chajurika, umo ise tikuyamba kupulikiska sono umo kuti Iyo wakaŵa Mwana wa Chiuta, Iyo wakaŵa Chiuta Iyomwene wakazgoka thupi; na uvumbuzi wa Cheneicho Iyo wali; icho chikwenera kufiskika pambere Mungelo uyu wandaŵike marundi Ghake pa charu na nyanja ndipo wakurapizga kuti “yizamkuŵakoso yayi nyengo” para nyengo iyi yafika. Ise tiri nkhanira pa malo ghara gha panthazi gha ichi sono nthena. Mukuwona?

²⁰⁶ Chimoza chaumaliro cha ivi ndi Chivumbuzi 10, “Rundi pa charu na pa nyanja,” nyengo yikaŵa kuti yamara, uwombozi wamara, ndipo sono Iyo wakwiza ngati Nkharamu. Iyo wakaŵa Mwanamberere nyengo yira, sono Iyo wakwiza ngati Nkharamu ya fuko la Juda.

²⁰⁷ Sono, rekani ine ndimuŵazgireni waka kunyake kose kwa ichi mwakuti ine ningamanya kuchipereka ichi kwa imwe nkhanira mwaluŵiro sono, ndipo vesi 8:

Ndipo para iyo wakati watora buku, vikoko vinayi na twente-...ndipo ŵalara ŵanayi na twente ŵakawa pasi panthazi pa Mwanamberere, waliyose wa iwo wakaŵa na vyakwimbira na ŵadila ŵa golide ŵakuzura na fungo liweme, ...na malurombo gha ŵatuŵa.

²⁰⁸ Sono, iyi ndi nyengo penepapo chirichose chikwenera kuti chisopenge. Sono, kumbukirani, umo chikuchitikira pa myengo yakwenerera. Sono, tingazomerezganaga yayi kuti chitijumphe ichi sono. Tegherezгани mwatcheru. Para vyamchindindi vyose vya muwiro wa mpingo vikati vyafiskika, para vyamchindindi vyose vya ndondomeko ya uwombozi, vididimizgo seveni vira vikajurika pa...nkhanira pamanyuma pa ichi sono, wonani, ndi nyengo yakuti—yakuti vyose, chirichose Kuchanya na chirichose pa charu chapasi kuti chimusope Chiuta. Sono, wonani icho chikuchitika. Tegherezгани...ndi, tegherezгани waka pa ichi miniti pera:

Ndipo iwo wakayimba sumu yiphya, yakuti, Imwe ndimwe wakwenerera . . .

209 Tegherezgani umo chisopo chikaŵira! Walara, vikoko, chirichose chikawa nkhanira panthazi pa Iyo, wonani, ngati nthaura, para Iyo wakati wakwaniriska ndondomeko Yake. Ndi nyengo ya kusopa sono, wonani:

Ndipo iwo wakayimba sumu yiphya, yakuti, Imwe ndimwe wakwenerera kutora buku, na kuti mujure vididimizgo vyake: pakuti imwe mukakomeka, ndipo mwatwewezgereska ise kwa Chiuta kwizira mu ndopa za wachibale waliyose, . . . lilime, na ŵanthu, na fuko;

Ndipo Imwe mwatipanga ise kwa Chiuta withu mafumu na ŵasofi: ndipo ise tizamuwusa pa charu chapasi. (Tegherezgani, mauzima ghara ghakuwomboreka ghakuliranga kuwaro kula. Hmm!)

Ndipo ine nkhwona, ndipo nkhapulika lizgu la ŵangelo ŵanandi kuzingilira chizumbe ndipo vikoko na ŵalara: ndipo unandi wa iwo ukaŵa masauzandi khumi kwandaniska na masauzandi khumi, na masauzandi gha masauzandi; (Chirichose Kuchanya chikumusopa Mwanamberere uyu, wonani.)

Kuyowoyanga na lizgu likuru, Wakwenerera ndi Mwanamberere (Aleluya! Aleluya!) uyo wakakomeka kuti wapokere mazaza, na mausambazi, na vinjeru, na nkhangono, na ntchindi, na uchindami, na thumbiko.

210 Tegherezgani, “Ndipo chilengiwa chirichose!” Tegherezgani ku icho Yohane wakachita:

Ndipo chilengiwa chirichose icho chiri kuchanya na pa . . . charu chapasi, na kusi kwa charu chapasi, ndipo ngati ndi ivyo viri mu nyanja, na vyose ivyo viri mwa ivyo, vikanipulika Ine (Yohane) nkuti, Vitumbiko, . . . ntchindi, . . . uchindami, . . . mazaza, viŵe kwa iyo mweneuyo wakakhala pa chizumbe, na ku Mwanamberere muyirayira na muyirayira.

211 Yohane nadi wakenera kuti wakaŵa na Pentekosite wa iyoyekha. Iyo wakati, “Chilengiwa chirichose Kuchanya, chilengiwa chirichose mu charu chapasi, chilengiwa chirichose kusi kwa charu chapasi, chilengiwa chirichose icho chikaŵa mu nyanja, chikandipulika ine nkuti, ‘Amen, uchindami, ntchindi, mazaza, na vitumbiko, viŵe kwa Iyo mweneuyo wakukhala pa Chizumbe, Mwanamberere yura.’”

212 Nyengo ya kusopa! Amen! “Kasi iwo wakachita uli ichi?” Apa pali Mazgu Ghake, imwe . . . iwo wose wakapulika ichi.

Ndipo vikoko vinayi vikati, Amen. Iwe ukuneneska, Yohane, kuchemereza waka na kumurumba Iyo mwakukwezga umo imwe mungachitira. Ichi . . .

...*wakandipulika* ine *nkhuti*, Vitumbiko, Amen, *uchindami*, vinjeru, *mazaza*, na *nkhongono*...

...*Ndipo walara foru na twente wakawa pasi ndipo wakamusopa iyo mweneuyo wakukhala... uyo ngwamoyo muyirayira na muyirayira.*

213 Nkhani yiweme uli! Sono, ine ndirije nyengo. Ine ndiri nacho ichi nalemba, makani ghanyake pa ichi apa, kweni unganano withu wakurondezgako pambere ise tindafike mu ichi... Panyake para ine nawerako ku holide lane panji nyengo yinyake, Ine nkukhumba kuti nizakatore masabata sevente agha gha Daniel na kumangirira ichi nkhanira umu, na kuchiwoneska ichi uko ichi chikuchitorera ichi ku Chikondwerero cha Pentekosite, ndipo ichi chikuvumbura nkhanira vira seveni vile... vididimizgo seveni vira kuti vijurike apa pambere ise tindarute, na kuwoneska kuti ichi chiri ku umaliro, ivi...

214 Mwanamberere, Mesiya, Kalonga wakwenera kuti wafike ndipo paŵe masabata sevente (apo ndi virimika seveni) ivyo vikachimika ku ŵanthu Ŵake. Ndipo Kalonga wazamkudumulikapo mkatikati, pali ndi vitatu na hafu, hafu wa seveni ndi firii na hafu, wazamkudumulikako. Ndipo kupereka sembe kwa zuŵa na zuŵa kuzamkumara; ndipo ukazuzi uwo ukupanga mupasuko (cheneicho Moslem of Omar wakayimirira pa malo gha tempile dazi apo iwo wakawotchera tempile), ndipo ntheura pali virimika vitatu na hafu vyakharako ku Israel.

215 Ndipo Khristu wakiza ndipo wakapharazga ndipo wakachima ndendende virimika vitatu na hafu, ndipo kupereka sembe kwa dazi na dazi kukarekeka, chirichose mwakufikapo waka umo ichi chikamanya kuŵira. Ndipo Moslem wa ku Omar wakaŵa nkhanira... wakazengeka pa malo gheneghara ndipo waliko kula kufika ku dazi ili. Ndipo iwo ŵazamkwenda pa viliŵa vya Yerusalemu kufikira kuti ulinda wa Ŵamitundu umare, Mpingo ukukwatulika (Wakusoreka, Mkwatibwi) kuruta kufuma kula.

216 Ndipo ŵaprofeti ŵaŵiri, Eliya na Moses, ŵakuwereraso ku Israel pa vinyake vira viŵiri na—viŵiri na hafu chirimika... virimika vitatu na hafu. Ndi chinthu chakutowa chomene para imwe mukuwona ichi chikuwoneka pakwera.

217 Imwe mukumutemwa Iyo? Na mtima winu wose? Imwe mukupulikiska sono icho Buku la vididimizgo seveni likaŵa? Icho Ili liri: ise tiri nalo Ili, “mu pepala lakupindika,” sono. Ndipo kumbukirani waka, mu mazuŵa waka ghaumaliro agha... Ili likasungika mu Chiŵiya cha dongo. Imwe mukupulikiska icho sono? Ndipo Ndinjani wakaŵa Chiŵiya cha dongo chira? Yesu Khristu. Kulije munthu wakaŵa nalo Ili, pakaŵavye munyake wakaŵa nalo Ili, ichi ndi kwizira mwa Iyo pera. Ichi nthā chikalembeka nanga ndi mu Mazgu. Usange

Ichi chikalebeka mu Mazgu, ichi chikabisika mwakuti imwe mukatondeka kuchisanga Ichi. Uwo mbunenesko. Ntheura ichi chiri mwa Iyo kuti Ichi chavumbukwa, ndipo mu Chiwiya chira cha dongo mwakuti Ichi chingavunda yayi panji kuchita murosua.

²¹⁸ Ndipo pamanjuma Iyo wakwiza ndipo wakuwezgereska yumoza ku Mpingo Wake, ndipo wakati, “Wonani, Ine ndine mweneyura mayiro, muhanyauno, na muyirayira. Mukuwona? Mukuwona? Sono, imwe nyengo zose mwakhala mukuzizwa kuti kwali—kwali wakwananga wachitima wazamkuphya Muyirayira panji iyo wazamkumara waka petu wakuparanyika pamanjuma pa virimika miliyoni. Ichi chiri apa. Umo ndimo ichi chikaŵira. Kulije chinthu ngati gehena Wamuyirayira. Wangaŵa yayi Wamuyirayira, chifukwa Ine . . . gehena nthā likaŵa na Ine para ine nkhati nayamba kale kula. Ine nkhamulenga uyu kuti nilangiremo ŵaheni. Mukuwona? Kasi imwe mukuchita mantha na vichi, wonani, za Mbewu ya Abraham na vinthu vyose ivi vyakupambanapambana? Mbweni . . .” Uku ndi—kurongosora waka mwaufupi kwa ichi, wonani, kweni para imwe mwafika ku umo Chiuta wakujulira vididimizgo ivi, na kuchiwoneskanga ichi, kurongosora nkhanira makoraghene; imwe wonani, para imwe mwachita, ntheura imwe mungafumako yayi ku Buku ili. Vididimizgo vira . . .

²¹⁹ Imwe mukuti, “O, chididimizgo chikang’anamura chinthu chinyake, M’bale Branham.”

²²⁰ Lindizgani miniti pera! Ichi chikwenera kuti chiyane na *Ichi*, chifukwa ichi chikadidimizgika kuwaro kwa *Ichi* kuti chivumbure *Ichi*. Ichi ndi . . . Kasi ichi ntchichi? Kasi ichi chikaŵa chivichi? Apa, ngati apa, Yeremiya. Imwe mukuti chinthu *chakuti-chakuti* chikachitika; imwe mukufumiskako *ichi*, apa ndi penepapo ichi chiri. Viri makora. Lamatulapaniko *icho* ndipo laŵiskani kumanyuma uku, apa ndi penepapo ichi chikaŵazgika icho chikachitika. Viri makora. Imwe mukulamatulapo chimoza *ichi* apa, laŵiskani uku, ndipo icho ndicho chikachitika. Wonani, icho ndi chinthu chimozimozi icho Buku ili liri, wonani, kuwaro kwa ili.

²²¹ Iwo ŵakuti, “Enya, ine nkhopulikiska yayi. Ŵanyake ŵakuti, ‘Dada, Mwana,’ ndipo ŵanyake, ‘Mzimu Mutuŵa,’ ndipo ŵanyake ŵakuti, ‘Zina la Yesu,’ chirichose ngati ntheura.”

²²² Ichi chakhala chakubisika virimika vyose ivi. Kweni sono ichi chiri apa, ichi chikuruta nkhanira kumanyuma, ichi chikuruta nkhanira kumanyuma kuwoneska kuti kuli Chiuta yumoza pera. Nthā ŵakaŵako kweni Chiuta yumoza. Uwo mbunenesko. Ndipo Zina Lake . . .

²²³ Chiri ngati Buku la Mateyu, 28:19, “Ntheura imwe rutani, ndipo mukasambizge mitundu yose, kuŵabapatizanga iwo mu Zina la Dada, Mwana, Mzimu Mutuŵa,” ndipo Dada ndi zina

yayi, ndipo Mwana ndi zina yayi, ndipo Mzimu Mutuŵa ndi zina yayi. Sono, kasi imwe muŵabapatizenge uli iwo? Kasi ndivichi limoza la mazina ghara ilo imwe mubapatizikirengemo, penepapo palije la igho ndi mazina? Ntheura vichi? Imwe nthu muŵabapatizenge mu zina lililose, nthu. Iyo ndi Sukulu ya Ŵaprofeti kamozaso, wonani.

²²⁴ Pamanyuma imwe mukwiza ku malo agha kudera uku, ndipo imwe mutore kudera uku ndipo mwende nacho ichi kumanyuma ndipo murute ku Mateyu 1, kasi Iyo wakachita vichi? Niwerere waka nkhanira kumanyuma ndipo nichitoreso ichi uku:

Sono kubabika kwa Yesu Khristu kukaŵa pa chinjeru ichi: (Ntha ŵa Chiuta ŵatatu, sono, wonani.) Para . . . mama wake . . . wakajarizgika kwa Yosefe, pambere iwo ŵakaŵa ŵandakhale pamoza, iyo wakasangika wali na mwana wa Mzimu Mutuŵa. (Ntha Chiuta Dada; "Mzimu Mutuŵa." Huh?)

. . . chose ichi chikachitika, kuti . . .

Ndipo Yosefe mfumu wake, . . . mwanarumi murunji, . . . nthu wakakhumba kuti wamukhozge soni pa gulu, wakaghanaghana kuti wamulekerezge mwachisisi.

. . . pa vinthu ivi, . . . apo iyo wakaghanaghananga . . . wonani, mungelo wa Fumu wakawonekera kwa iyo mu loto, kuti, Yosefe, iwe mwana wa David, kuwopa yayi. . . kumutora Mariya muwoli wako: pakuti icho chiri mwa iyo ntcha . . . (Chiuta Dada?) . . . Mzimu Mutuŵa.

²²⁵ Ine nate panyake, "Chiuta Dada wakaŵa dada Wake." Ine nkhuoyoya ichi chifukwa cha ubapatizo uwo ukwiza. Mukuwona? Ine nate panyake, "Chiuta Dada wakaŵa dada Wake." Sono, panyake Mzimu Mutuŵa na Chiuta Dada ndi Yumoza mweneyura, panji Iyo wakaŵa na ŵadada ŵawiri; nthu Iyo ndi mwana wapathengere, ndipo nthu kasi ise tiri na Chiuta wa mtundu uli? Hmm? Mukuwona?

Ndipo ichi chikaŵa . . . chose . . . chikachitika, mwakuti ichi chingamanya kukwaniriskika . . . chikayowoyeka za Yehova kwizira mwa muprofeti, . . .

. . . mwali wazamkuyima, ndipo wazamubaba mwana, . . . iwo ŵazamkuchema zina lake Yesu, . . . (Mbunnesko uwo?) . . . Ndipo Iyo wati wachemekenge Emmanuel, cheneicho . . . ndi, Chiuta na ise.

²²⁶ Sono, wonani, para Iyo wakati wamasura chididimizgo, kasi chinthu chose ndi vichi kufuma ku Mateyu chipatulo 1, kuruta kumanyuma? Chifukwa, Yesu Khristu. Icho ndendende ndicho Petros wakayowoya pa Dazi la Pentekosite. Icho ndicho ŵanyake wose ŵakayowoya.

227 Nkhumanya, gulu ili la Ŵaroma likiza na kuti, “O, yayi! Ise tikwenera kuti tiŵe na ŵaChiuta ŵatatu. Ise tiri...” Iwo ŵali na teni sauzandi ŵa iwo sono: kuli ŵa Mariya na ŵa Cecilia Ŵatuŵa, na Marcus Mutuŵa, na Mutuŵa *Wakuti-na-wakuti*. Ndipo ine nkughanaghana kuti kuli fayivi handiredi na chakuti mu Msumba wa Mexico. Mwanakazi wakakomeka nyengo yinyake kale na vibwezi vyake vinyake, ndipo iwo ŵakayamba kutimbana chifukwa cha iyo ndipo iwo ŵakamukoma iyo, nthaura iwo ŵakumupanga iyo mutuŵa, ndipo ŵanthu ŵakarapanga kwa iyo, na chirichose ngati nthaura. Chigomezgo mu mizimu yakufwa!

228 Ndipo apa mpingo wa Protestant ukwiza na icho iwo ŵakuchema Chipulikano cha Ŵapostole, “Ine nkugomezga mwa Chiuta Dada Wankhongonozose, musungiliri wa kuchanya na pasi, na—na mpingo Utuŵa wa Roma Katolika. Ndipo ine nkugomezga mu maŵeyerero gha ŵatuŵa, kulumikizana na ŵatuŵa.” Ŵaprotestant kuyowoyanga pasi pa lumero la Chiuta, kuti iyo wakugomezga mu kulumikizana na ŵatuŵa. Icho ndi chigomezgo mu mizimu yaŵakufwa! Mukuwona? Nthaura iwo ŵakurutirira ndipo ŵakuchita ichi, mwakusimikizga, chifukwa mpingo ukayowoya nthaura. (O Chiuta, umo ine ndiliri wakukondwa kumanya icho ine nkhumanya! Umo ndiliri wakukondwa kumanya icho ine nkhumanya!) Kwambura kumanya kuti iwo ŵakujjarira iwoŵene kutali nkhanira na Chiuta, kunjira mu mdima kuwaro uko. Ndipo iwe ungaŵaphalira yayi iwo, chifukwa iwo mwakufikapo ŵangachiwona yayi ichi.

229 Ine nkikhumba kuti ndimufumbeni... palije munyake wakwenera kuti wayowoye ichi. Muli pafupifupi ŵanthu fifitini panji twente, ŵali nkhanira muno, ŵakananga chifukwa cha kughanaghananga kuti ine nkhaŵa Yesu Khristu. Kasi iwo ŵakachita uli ichi? Ine nkhaŵasuska iwo mpaka ine nkhasanga kuti Chiuta wakandiphalira ine “ukaŵa mzimu.” Ndipo ŵanarumi ŵara, ine nkhati... Ndipo ŵanarumi ŵara ŵakandigomezga ine, lizgu lililose. Ine nkhati, “*Kasi imwe mundigomezgenge uli ine pamanyuma, usange ine nkhumuphalirani imwe?*” Nthaura ise tikaruta ku Mazgu, pamanyuma iwo ŵakayamba kuchiwona, ŵakati, “Enya, mwakusimikizga, ise tikakugomezga yayi iwe panji ise nthena tikapulikira ku icho iwe ukayowoya.” Mukuwona apo?

230 Kweni iwo mwakufikapo ŵakaghanaghana kuti iwo ŵakachitanga makora, mwakufikapo. Mukuwona? Ndipo umoza wa mizimu yira ukwiza pa imwe, uyo wapokera uwu, wonani, imwe mwakufikapo mugomezgenge ichi. Ine nkhpwerera yayi, imwe... kulije munthu wangamuphalirani imwe mphambano yiriyose. Mukuwona? Palije kanthu kwali Mazgu ghakuyowoya chomene uli nthaura, enya, imwe mukugomezga yayi Ichi munthowa yiriyose; mukurutirira waka. “Usange imwe

mukukhumba kuŵa mwantheura umo, imwe rutirirani, ndipo ine ndiri na nthowa yane na yane.” Wonani, icho chikuwoneska kuti imwe mwaphakazgika na mzimu uheni.

²³¹ Mzimu wa Chiuta uchitenge nye- . . .Enya, imwe mukuti, “Ukuti uli wamwene, M’bale Branham?”

²³² Ine nkhumtemwa waliyose . . .Ine nyengo zose ndine wakunozgeka kuti munyake kuti wandiwoneske ine icho ndi unenesko na utesi, kweni ichi chikwenera kuŵa Mazgu. Iwo ŵangayowoya yayi . . .Chikwenera kuti chifumire mu Mazgu! Ntheura uko ndiko vididimizgo ivi vikujurika. Ndipo mungadandaulanga yayi, usange ichi ndi chididimizgo ichi chijivumburenge ichochene kufuma ku Genesis kufika ku Chivumbuzi. Ntheura apo pali vididimizgo. Imwe mukumtemwa yayi Iyo?

Ine nkhumtemwa Iyo, ine nkhumtemwa Iyo
Chifukwa Iyo wakadankha kunditemwa ine
Ndipo wakagura chiponosko chane
Pa Mphinjika.

²³³ Tiyeni tisindamisike mutu withu. Kasi ndimwe ŵalinga muno imwe mukumumanya yayi Iyo ngati Muponoski winu, mukhumbenge kuti mumuchemere Iyo mu mtima winu? Imwe mukumanya, ine nkhumomezga mu kurutanga ku guwa, ine mwakufikapo nkhumomezga ichi. Icho ntchiweme. Kweni mu Baibolo iwo nthwa ŵakaruta ku guwa kuti ŵakaponoskeka, iwo ŵakagomezga waka Ichi mu mtima wawo ndipo ŵakachizomera Ichi. Kasi mbalinga ŵa imwe mwizenge munthowa ya Baibolo, “Wose awo ŵakagomezga ŵakabapatizika”? Kasi mbalinga ŵakugomezga muhanyauno, muli kuchitapo yayi ichi nakale kweni imwe mukukhumba kuti muzomerezge pagulu kuti imwe mukaŵa “ŵatesi” mu nthowa zinu, ndipo imwe mukukhumba kuti mumuzomere Yesu ngati Muponoski winu? Uli imwe mukwezge waka muchanya mawoko ghinu muli na mitu yinu yakusindama, yowoyani, “Ine . . .”

²³⁴ Chiuta wakatumbike iwe. Chiuta wakatumbike iwe. Chiuta wakatumbike iwe. Chiuta wakatumbike iwe, iwe. Chiuta wakatumbike iwe, kumanyuma uko. Chiuta wakatumbike iwe, iwe. Chiuta wakatumbike iwe, kumanyuma uko. “Ine sono nkhumomezga.” Chiuta wakatumbike iwe. Chiuta wakatumbike iwe. Chiuta wakatumbike iwe. Chiuta wakatumbike iwe, kumanyuma uko. Sono, imwe kumbukirani, nthwa *muno* kweni mu mtima winu, kwa Chiuta, imwe mukupanga kuzomerezga kwa pagulu, “Fumu, ine nkhumanya kuti ise tiri ku nyengo yaumaliro. Ine nananga.”

²³⁵ Dazi linyakhe ine nkhayowoyanga kwa mubwezi wane muchoko kuno mu tawuni, Dokotala Sam Adair. Ise tikakhala mu ofesi. Ine nkhati, “Sam, ine nakhala nkhusuzgika na gasi.”

Wakati, “Kasi iwe ukumanya uli kuti ndi gasi? Chakudera ku mtima wako?”

Ndipo ine nkhati, “Enya.”

²³⁶ Wakati, “Uko panyake kungaŵa waka kugata kwa ndopa mu mtima—mtima—mtima—suzgo la mtima—suzgo la mtima.” Wakati. . . (Undigowokere ine.) Wakati, “Panji lingaŵa suzgo la mtima.”

²³⁷ Wakati, “Sono, kasi iwe ukumanya uli kuti ili lirimo mula?” Iyo wakati, “Reka ine nikupime iwe.”

Iyo wakanipima ine, wakati, “Yayi, mulije chinthu chakwanangika na iwe.”

²³⁸ Ine nkhati, “Sam, para ili layamba. . .” Ine ndiri na virimika fifite thu vyakubabika, ndipo Sam ndi mulara pachoko kuruska ine. Ine nkhati, “Para ili layamba, Sam, virimika vyose sate ivi ine ndiri kuyezga kuŵapanga ŵanthu kuti ŵagomezge pa Yesu Khristu, ndipo Yumoza uyo ine nkhumutemwa ndipo ndiri kumutumikira nyengo yose iyi; ichi nthā chikupanga mphambano yiriyose kwa ine para Iyo wafika, ine ndirutenge Kunyumba.”

²³⁹ Iyo wakati, “Billy, iwe ukumanya, uko ine nkhusanga chakuzirwa chane chomene? Ndi kumuchitiranga chinyake munthu munyake.”

Ine nkhati, “Uwo ndi umoyo weneko.”

²⁴⁰ Usange iwe uli na chiharo muno mu charu ichi, mubwezi, ichi ndi chiharo chakuvunda. Kweni ise tikupokera chiharo icho chikufwifwa yayi. Mwana wakusoŵa wakaruta kutali ndipo wakachileka chiharo chake, ndipo iyo wakatora gawo la ichi na iyo. Para iyo wakati wawerako, chiharo chake—chiharo chake chikanangika. Kweni usange iwe wachireka chako, ichi nthā chiri nthēura na Ufumu wa Chiuta, ise tikupokera chiharo chambura chivundi. Imwe mukukhumba yayi kuti mupokere Ichi? Pali pafupifupi fifitini ŵakwezga mawoko ghawo, ŵakwananga awo ŵakhumbanga kuti ŵapokere chiharo chawo mlenji uwu. Kasi wangaŵapo munyake pambere ise tindarombe? Enya.

Mwapasipasi chomene sono:

Ine nkhumutemwa Iyo, ine. . .

Panga chingamuro chako sono. Usange iwe ukuwona kuti iwe ungachita, nyengo yiŵenge iyi.

Chifukwa Iyo wakadankha kunditemwa ine

Ndipo wakagura chiponosko chane

Pa. . . (Chiuta wakutumbike iwe. Chiuta wakutumbike iwe. . . ? . . .)

²⁴¹ Ŵadada Ŵakuchanya, mu kachetechete wa nyengo iyi, ise tikupereka kwa Imwe gulu ili, pasi pa kaŵiro kakufoka mlenji uwu, Fumu, kuyezganga kuwupereka Uthenga uwu ku ŵanthu chifukwa chakuti ine nkhuŵatemwa iwo. Ine nkhuukhumba

kuti iwo wâpulike Ichi, Fumu. Ine nkhukhumba kuti iwo wâkhozgeke. Ine nkhukhumba kuti iwo wâmanye kuti vinthu vyose ivi ivyo vyakhala vikuchitika mu virimika vichoko vyajumphana ntha vikachitika waka mwa mwaŵi, mukaŵa Imwe, Fumu. Mwanguŵa Imwe mwaŵeneimwe mwakhala mukujura vinthu ivi. Ndipo, O Chiuta, ise tose tikuwona kuti nkhanira kunthazi kwithu kuli Chikondwerero chikuru.

²⁴² Ine nkhurombera iwo weneawo wângukwezga mawoko ghawo. Iwo wâkumanya kuti iwo wânanga, Fumu. Vinthu vinandi vichokovichoko... Panyake iwo wâkahara ndalama zinyake kamoza mu kanyengo kufuma kwa munyake, kweni kasi izi zikachita vichi? Iwo wâkamanya yayi uko izi zikaruta, zikamara mu kanyengo kachoko waka, chifukwa icho ndi chiharo chakuvunda. Ndipo usange iwo wâmurekerenge ichi munthu munyakeso, ichi chizamkuvunda kamozaso.

²⁴³ Kweni ise tiri na chiharo chambura chivundi, ndiko kuti, chiponosko, uwombozi, kuwerera ku munda wa Eden. Ghanaghanani za ichi, Fumu, ndinjani wakhumbenge yayi kuwerera kuŵa ngati Adam na Eva na kukhala kumanyuma kula? Chakurya chithu chakuperekeka dazi lililose; Wadada Wâkuchanya nyengo zose kwendanga munthowa kuyowoyanga kwa ise; kuwona Kuŵara kukuru kula kwenda kunthazi kwithu. Nkharamu na mphumphi kuryeranga pamoza, nkhabako kuryanga utheka, nkharumu kuryanga pamoza na iyo; penepapo sono ivi vikuryana chimoza na chinyake, panji nkharumu kurya nkhabako, ndipo mphumphi yikurya nkhabako, chirichose iyo yingarya. Kweni mazuŵa ghara ichi ntha chizamkuŵa nthura. Viyuni vikuru vyakutowa kuwurukanga. Kuzamkuŵavaye chitima. Kuzamkuŵavaye chimanyikwirowo chakuti ise tikataya pawaka chigomezgo chithu. Ulendo wose munthowa kula ise tikuwona wana wîthu, wâkutemweka wîthu. O Chiuta, dazi uli! Dazi uli! Palije kanthu kwali ise tikupokera vichi pano pa charu chapasi, ichi—ichi ndi—chose ichi chizamkumara, kweni Chira chizamkumara yayi.

²⁴⁴ Chiuta, ine panyake nikwaniskenge yayi kuŵayowoyeska wânthu aŵa awo wâkwezga mawoko ghawo, pano pa charu chapasi ichi. Ine nkhumanya yayi. Ine nkhumomezga kuti ine nkuchita. Kweni usange ine ningachita yayi, ipo, Fumu, ndizomezgeni ine nkhumane nawo munthowa kula. Iwo panyake wângayowoya chinyakhe ngati ichi, “M’bale Branham, iwe ukukumbukira pa charu chapasi pambere chinthu chikuru ichi chikaŵa chindachitike, mlenji umoza iwe nkayowoyanga pa—kuvumbukwa kwa vididimizgo ivyo vikasungika mu Chiŵiya cha dongo? Yikaŵa nyengo yira kuti Iyo wakiza mu chiŵiya chane cha dongo, ine nkhaŵa yumoza uyo nkakwezga woko lane mlenji ula. O, ine ndine wakukondwa chomene kuti ine nkhaŵako kula.”

245 Ine mbwenu ndiyowoyenge, “M’bale, mlongosi, ine ndiri wakukondwa chomene kuti ine nkhaŵako kula, naneso. Sono ise tiri na wenenawene pamoza mu miwiro yose.”

246 Ŵatumbikeni iwo, Ŵadada, iwo Mbinu. Imwe mukati, “Kuliye munthu wangiza kwa Ine pekhapekha Ŵadada ŵamuchema iyo. Ndipo wose awo Ŵadada ŵandipa Ine ŵafikenge, paliye wa iwo watayikenge.” Ntheura ise ndise—ise ndise ŵakuwonga, Ŵadada, pa icho. Nkhuromba iwo ŵafike sono ndipo ŵatore chikhole cha chiponosko chawo, ntha kuruta kukajoyina mpingo. Kweni chikhole ntha ndi kujoyinanga mpingo kweni Kubabika kuphya, kuti ŵapokere Mzimu Mutuŵa. Nkhuromba iwo ŵamupokerereni Imwe, Ŵadada. Pakuti ise tikupereka ichi mu mawoko Ghinu, mu Zina la Yesu Khristu. Amen.

247 Ku mathaulo agha: Fumu Yesu, ine nkhurombera mathaulo agha; ndipo nkhuromba kuti Imwe mutumbike wose awo mbakusoŵerwa, wose awo ŵali muno, Fumu, mwanakazi mukavu uyu wakhala apa mu mpando wakutchika.

248 Pamanyuma pa ungano ukuru uwu mlenji uwu, Ŵadada, kuwupulikanga Mzimu Mutuŵa Winu ukuyenderera mwa ise, kughapulikanga Mazgu ghakunjira mwakuzama ndipo ghakutora misisi mu mitima ya ŵanthu. Iwo ŵazamuruwa yayi ichi, Fumu. Nyengo yiriyose para iwo ŵakupulika vinthu ivi iwo ŵazamughanaghana za vididimizgo vira kuti vyajurika. Sono, tivwiredi ise kuti timanye kasi vididimizgo vira vikaŵa vichi, Fumu, mwakuti waliyose waleke wareke kuzizikika mu malingaliro ghake, kweni iyo wati wamanyenge kufumira ku “NTHEURA WAKUTI YEHOVA” kuti ichi ndi chididimizgo cha Chiuta, vididimizgo ivyo Chiuta wakavumburira kwa ise.

249 Ise tikuromba kuti Imwe muchizgenge ŵarwari wose na ŵakukomwa. Perekani ichi, Fumu. Mzimu Winu uli muno. Usange Imwe mungaponoska wakwananga kumanyuma kwa nyumba, Imwe mungamanya kuchizga munthu murwari kula, nayoso. Ine nkhuromba kuti Imwe muperekenge ichi, Fumu, ndipo muŵachizgenge iwo awo mathaulo agha ghakuyimira awo ŵatondeka kufika kuno muhanyauno. Ise tikupereka chose ichi kwa Imwe mu Zina la Fumu Yesu Khristu. Amen.


250 Ine nkhuomezga kuti iwo ŵali na bonda muchoko uyo ŵakukhumba kuti wapokerereke. Kasi mwanakazi yura wali muno na mwana muchoko? Ungiza nayo uyu pa nyengo iyi? Ise tiŵenge ŵakukondwa kumupokerera mwana muchoko. Yayi, ntha wakwenera kuŵa muchoko, zanga waka iwe. (Mwaŵalara mwanake zanginge muyime na ine usange imwe mungachita pa nyengo iyi.) Wali na virimika vilinga? Virimika viŵiri na hafu vyakubabika. Kasi zina lake ndinjani? Scott? Scott Ford, Scott Ford muchoko, virimika vinayi na hafu vyakubabika, wakukhumba kuti wapokerereke mlenji uwu kwa Fumu yake

na Muponoski, Yesu Khristu. Mama wake wakwiza nayo iyo. (Mwakurunjika, zanga kunthazi, m'bale.)

²⁵¹ Fumu yauchizi, ise tikumupereka kwa Imwe bonda muchoko uyu mlenji uwu, mu nthowa ya kumupatulira. Taŵika mawoko ghithu pa bonda muchoko, mnyamata muchoko uyu, ndipo tikuromba kuti nkhongono iyo yikawuska Yesu ku dindi yimusiipuskenge mnyamata muchoko uyu. Chiuta, nkhuromba iyo wakhale mu umoyo wathanzi na wankhongono. Nkhuromba iyo wakhale umomoyo, Fumu, ku uchindami Winu. Umo Imwe mwafikira kale mu kuti mumovwire mwana uyu, ndipo ise tikumuwongani Imwe pa ichi. Ndipo ine nkhuromba kuti Imwe murutirirenge kuŵa na mwana muchoko. Muŵe na ŵapapi ŵake, ŵakutemweka ŵake. Nkhuromba. . . ise tikumanya ndipo tasambizgika kuti vinthu vyose vikuŵachitira uweme iwo ŵeneawo ŵakuyitemwa Fumu. Umo vinthu ivi nyengo zinyake vikuŵaguzira ŵanthu kufupi kwa Imwe. Ine nkhuromba kuti Imwe muperekenge vitumbiko ivyo ise taromba. Ndipo sono, Ŵadada, mu kupulikira ku Mazgu Ghinu, ise tikumupereka mnyamata muchoko uyu kwa Imwe mu Zina la Yesu Khristu. Nkhuromba kuti Imwe mupokerere mzimu wake uchoko, uzima, na thupi, ndipo mugwiriskeni ntchito iyo ku uchindami Winu. Amen.

²⁵² Chiuta wakatumbike iwe, mlongosi. Chiuta wakatumbike iwe, Scott muchoko. Umo ise tikumuwongera Fumu pa icho!

²⁵³ Sono, kasi ndinjani wabapatizikenge? Pali gulu la ŵanthu kuti libapatizike, ine nkhuomezga. Apo ise tikunozgekera icho, tiyeni tiyimbe. . . Ine nkhumuphalirani imwe icho ise panyake tichite, tiyeni tiyimbe. . . Ine nichemenge M'bale Neville kuti wachite ichi. Ine nkhumanya kuti ichi chiŵenge waka chakwenerera nyengo iyi. Viri makora, bwana, M'bale Neville.

²⁵⁴ Imwe mukuyitemwa Fumu, yowoyani "Amen." [Gulu likuti, "Amen."—Munozgi] Uli imwe mudirombere ine? [Gulu likuti, "Amen."] Amen. Amen. 

61-0618 Chivumbuzi Chipatulo Fayivi Gawo II
Branham Tabernacle
Jeffersonville, Indiana U.S.A.

CHITUMBUKA

©2026 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org